

四庫全書薈要·乾隆御覽本

史部

欽定四庫全書會要卷四千六百七十一

史部

隋書卷二十七

唐太尉揚州都督監修國史上柱國趙國公臣長孫無忌等撰

志第二十二

百官中

後齊制官多循後魏置太師太傅太保是爲三師擬古
上公非勲德崇者不居次有大司馬大將軍是爲二大
並典司武事次置太尉司徒司空是爲三公三師二大

三公府三門當中開黃閣設內屏各置長史司馬詔議
參軍從事中郎掾屬主簿錄事功曹記室戶曹金曹中
兵外兵騎兵長流城局刑獄等參軍事東西閣祭酒及
參軍事法墨田水鎧集士等曹行參軍兼左戶右戶行
參軍長兼行參軍參軍督護等員司徒則加有左右長
史三公下次有儀同三司加開府者亦置長史已下官
屬而減記室倉城局田水鎧士等七曹各一人其品亦
每官下三府一階三師二大置佐史則同太尉府乾明

中又置丞相河清中分爲左右亦各置府僚云

特進左右光祿金紫銀青等光祿大夫用人俱以舊德
就閑者居之自一品已下從九品已上又有驃騎車騎
衛四征四鎮中軍鎮軍撫軍翊軍四安冠軍輔國龍驤
鎮遠安遠建忠建節中堅中壘振威奮威廣德弘義折
衝制勝伏波陵江輕車樓船勁武昭勇明威顯信度遼
橫海踰岷越嶂戎昭武毅雄烈恢猛揚麾曜鋒蕩邊開
城靜漠綏戎平越殄夷飛騎隼擊武牙武奮清野橫野

偏裨等將軍以褒賞勲庸

尚書省置令僕射吏部殿中祠部五兵都官度支等六
尚書又有錄尚書一人位在令上掌與令同但不糾察
令則彈糾見事與御史中丞更相廉察僕射職爲執法
置二則爲左右僕射皆與令同左糾彈而右不糾彈錄

令僕射總理六尚書事謂之都省其屬官左丞

掌吏部
考功主

爵殿中儀曹三公祠部主客左右中兵左右外兵都官
二千石度支左右戶十七曹并彈糾見事又主管轄臺
中有違失者右丞各一人

掌駕部虞曹屯田起部都兵
比部水部膳部倉部金部庫

部十一曹亦管輅臺中又主凡諸用度雜
物脂燈筆墨幃帳唯不彈糾餘悉與左同
并都令史八

人共掌其事其六尚書分統列曹吏部統吏部
掌褒崇
選補等

事
考功 掌考第及秀
孝貞士等事
王爵 掌封爵
等事
三曹殿中統殿中 掌
駕

行百官留守名帳宮殿
禁衛供御衣倉等事
儀曹 掌吉凶
禮制事
三公 掌五時讀時
令諸曹因帳

斷罪赦日建
金雞等事
駕部 掌車輿牛馬
廐牧等事
四曹祠部統祠部 掌祠
部醫

藥死喪贈
賜等事
主客 掌諸蕃雜
客等事
虞曹 掌地圖山川遠近園囿
田獵穀膳雜味等事

屯田 掌籍田諸州
屯田等事
起部 掌諸興造
工匠等事
五曹祠部無尚書則

右僕射攝五兵統左中兵
掌諸郡督告身
諸宿衛官等事
右中兵 掌畿
內丁

帳事力蕃

兵等事

左外兵 掌河南及潼關已東諸州

右外兵 掌

北及潼關已西諸州所典與左外同

都兵 掌鼓吹太樂雜戶等事

五曹都官統都官

掌畿內非違得失事

二千石 掌畿外得失等事

比部 掌詔書律令勾檢等事

水部 掌

船津梁公私水事

膳部 掌侍官有司禮食肴饌等事

五曹度支統度支

掌計會凡

軍國損益事

倉部 掌諸倉帳出入等事

左戶 掌天下計帳戶籍等事

右戶 掌

下公私田宅租調等事

金部 掌權衡量度內外諸庫藏文帳等事

庫部 掌凡是戎仗器用所須事

六曹凡二十八曹吏部三公郎中各二人餘並一人凡

三十部中吏部儀曹三公虞曹都官二千石比部左戶

各量事置掌故主事員門下省掌獻納諫正及司進御

之職侍中給事黃門侍郎各六人錄事四人通事令史

主事令史八人統局六領左右局領左右各二人

掌知
朱華

關內諸事宣傳已下白
衣齋子已上皆主之

左右直長四人尚食局典御二

人

總知御
膳事

丞監各四人尚藥局典御及丞各二人

總知
御藥

侍御師尚藥監各四人主衣局都統子統各二人

掌
御

衣服玩
等事

齋帥局齊帥四人

掌鋪設
灑掃事

殿中局殿中監四人

掌駕前奏引行事制請
修補東耕則進耒耜

中書省管司王言及司進御之音樂監令各一人侍郎

四人并司伶官西涼部直長伶官西涼四部伶官龜茲

四部伶官清商部直長伶官清商四部又領舍人省

掌署

勅行下宣

中書舍人主書各十人

旨勞問

祕書省典司經籍監丞各一人郎中四人校書郎十二

人正字四人又領著作省郎二人佐郎八人校書郎二

人

集書省掌諷議左右從容獻納散騎常侍通直散騎常

侍各六人諫議大夫七人散騎侍郎六人員外散騎常侍二十人通直散騎侍郎六人給事中六人員外散騎侍郎一百二十人奉朝請二百四十人又領起居省散騎常侍通直散騎常侍散騎侍郎通直散騎侍郎各一人校書郎二人

中侍中省掌出入門閣中侍中二人中常侍中給事中各四人又有中尚藥典御及丞并中謁者僕射各二人中尚食局典御丞各二人監四人內謁者局統丞各一

人

御史臺掌察糾彈劾中丞一人治書侍御史二人侍御
史八人殿中侍御史檢校御史各十二人錄事四人領
符節署令一人符璽郎中四人

都水臺管諸津橋使者二人參事十人又領都尉合昌
坊城等三局尉皆分司諸津橋

謁者臺掌凡諸吉凶公事導相禮儀事僕射二人謁者
三十人錄事一人

太常光祿衛尉宗正太僕大理鴻臚司農太府是爲九

寺置卿少卿丞各一人各有功曹五官主簿錄事等員

太常掌陵廟羣祀禮樂儀制天文術數衣冠之屬其屬

官有博士四人掌禮制協律郎二人掌監調律呂音樂八書博士二人等

員統諸陵掌守衛山陵等事太廟掌郊廟社稷等事太樂掌諸樂及行禮節奏等事

衣冠掌冠幘舄履之屬等事鼓吹掌百戲鼓吹樂人等事太祝掌郊廟贊祝祭祀衣服等

事太史掌天文地動風雲氣色律歷卜筮等事太醫掌醫藥廩犧掌養犧牲供祭

羣祀等事太宰掌諸神祀烹宰行禮事等署令丞而太廟兼領郊祠掌

郊羣神事崇虛掌五岳四瀆神祀在京二局丞太樂兼領清

商部丞掌清商音鼓吹兼領黃戶局丞掌供樂太史兼

領靈臺掌天文太卜掌諸卜筮二局丞

光祿寺掌諸膳食帳幕器物宮殿門戶等事統守宮掌

張設等事太官掌食膳事宮門主諸門供府掌供御衣服肴藏掌

物鮭味清漳主酒歲二萬華林掌禁蘗林等署宮門署

置僕射六人以司其事餘各有令丞又領東園局丞員

掌諸
凶具

衛尉寺掌禁衛甲兵統城門寺置校尉二人以司其職

掌宮殿城門并諸倉庫管籥等事

又領公車

掌尚書所不理有枉屈經判奏聞

武庫

掌甲

兵及吉

衛士

掌京城及諸門兵士

等署令武庫又有修故局丞

掌領

匠修故

甲等事

太宗正寺掌宗室屬籍統皇子王國諸王國諸長公主家

太僕寺掌諸車輦馬牛畜產之屬統驂騶

掌御馬及諸鞍乘

左

右龍左右牝

掌駝馬

駝牛

掌飼駝騾驢牛

司羊

掌諸羊

乘黃

掌諸輦輅

車

府

掌諸雜車

等署令丞驛騮署又有奉承直長二人左龍署

有左龍局右龍署有右龍局左牝署有左牝局右牝署
有右牝局駝牛署有典駝特牛牴牛三局司羊署有特
羊牴羊局諸局並有都尉寺又領司訟典腊出入等三
局丞

大理寺掌決正刑獄正監評各一人律博士四人明灋
掾二十四人檻車督二人掾十人獄丞掾各二人司直
明法各十人

鴻臚寺掌蕃客朝會吉凶帛祭統典客典寺司儀等署
令丞典客署又有京邑薩甫二人諸州薩甫一人典寺
署有僧祇部丞一人司儀署又有奉禮郎三十人

司農寺掌倉市新菜園池果實統平準太倉鈎盾典農
導官梁州水次倉石濟水次倉籍田等署令丞而鈎盾
又別領大囿上林遊獵柴草池藪首宿等六部丞典農
署又別領山陽平頭督亢等三部丞導官署又有御細
部麴麵部典庫部等倉督員

太府寺掌金帛府庫營造器物統左中右三尚方左藏
司染諸冶東西道署黃藏右藏細作左校甄官等署令
丞左尚方又別領別局樂器器作三局丞中尚方又別
領別局涇州絲局雍州絲局定州紬綾局四局丞右尚
方又別領別局丞司染署又別領京坊河東信都三局
丞諸冶東道又別領滏口武安白間三局丞諸冶西道
又別領晉陽冶泉部大邠原仇四局丞甄官署又別領
石窟丞

國子寺掌訓教胄子祭酒一人亦置功曹五官主簿錄
事員領博士五人助教十人學生七十二人太學博士
十人助教二十人太學生二百人四門學博士二十人
助教二十人學生三百人

長秋寺掌諸宮閣卿中尹各一人

並用
宦者

丞二人亦有功

曹五官主簿錄事員領中黃門掖庭晉陽宮中山宮園
池中宮僕奚官等署令丞又有暴室局丞其中黃門又
有冗從僕射及博士四人掖庭晉陽中山各有宮教博

士二人中山署又別有麩豆局丞園池署又別有桑園部丞中宮僕署又別有乘黃局教尉細馬車都督車府部丞奚官署又別有染局丞

將作寺掌諸營建大匠一人丞四人亦有功曹主簿錄事員若有營作則立將副將長史司馬主簿錄事等各一人又領軍主副幢主副等

昭玄寺掌諸佛教置大統一人統一人都維那三人亦置功曹主簿員以管諸州郡縣沙門曹

領軍府將軍一人掌禁衛宮掖朱華閣外凡守衛官皆
主之輿駕出入督攝仗衛中領軍亦同有長史司馬功
曹五官主簿錄事釐其府事又領左右衛領左右等府
左右衛府將軍各一人掌左右廂所主朱華閣以外各
武衛將軍二人貳之皆有司馬功曹主簿錄事釐其府
事其御仗屬官有御仗正副都督御仗五職御仗等員
其直盪屬官有直盪正副都督直入正副都督勳武前
鋒正副都督勳武前鋒五藏等員直衛屬官有直衛正

副都督翊衛正副都督前鋒正副都督等員直突屬官
有直突都督勳武前鋒散都督等員直閣屬官有朱衣
直閣直閣將軍直寢直齋直後之屬又有武騎雲騎將
軍各一人驍騎遊擊前後左右等四軍將軍左右中郎
將各五人步兵越騎射聲屯騎長水等校尉奉車都尉
等各十人武賁中郎將羽林監各十五人冗從僕射三
十人騎都尉六十人積弩積射強弩等將軍及武騎常
侍各二十五人殿中將軍五十人員外將軍一百人殿

中司馬督五十人員外司馬督一百人

領左右府有領左右將軍領千牛備身又有左右備身
正副都督左右備身五職左右備身員又有刀劍備身
正副都督刀劍備身五職刀劍備身員又有備身正副
督備身五職員

護軍府將軍一人掌四中關津輿駕出則護駕中護軍
亦同有長史司馬功曹五官主簿錄事釐其府事其屬
官東西南北四中府皆統之四府各中郎將一人長史

司馬錄事參軍統府錄事各一人又有統府直兵及功曹倉曹中兵外兵騎兵長流城局等參軍各一人法田鎧等曹行參軍各一人又領諸關尉津尉

行臺在今無文其官置令僕射其尚書丞郎皆隨權制而置員焉其文未詳

太子太師太傅太保是爲三師掌師範訓導輔翊皇太子少師少傅少保是爲三少各一人掌奉皇太子以觀三師之德出則三師在前三少在後

詹事總東宮內外衆務事無大小皆統之府置丞功曹
五官主簿錄事員領家令率更令僕等三寺左右衛二
坊三寺各置丞二坊各置司馬俱有功曹主簿以承其
事

家令領食官典倉司藏等署令丞又領內坊令丞

掌知
閣內

諸事其食官又別領器局酒局二丞典倉又別領園丞司

藏又別領仗庫典作二局丞率更領中盾署令丞各一

人

掌周衛禁防
漏刻鍾鼓

僕寺領廐牧署令丞署又別有車輿局丞

左右衛坊率各領騎官備身正副都督騎官備身五職
騎官備身員又有內直備身正副都督內直備身五職
內直備身員又有備身正副都督備身五職員又有直
閣直前直後員又有旅騎屯衛典軍等校尉各二人騎
尉三十人

門下坊中庶子中舍人通事守舍人主事守舍人各四
人又領殿內典膳藥藏齋帥等局殿內局有內直監二

人副直監四人典膳藥藏局監丞各二人藥藏又有侍醫四人齋帥局齋帥內閣帥各二人

典書坊庶子四人舍人二十八人又領典經坊洗馬八人守舍人二人門大夫坊門太夫主簿各一人并統伶官西涼二部伶官清商二部

自諸省臺府寺各因其繁簡而置吏有令史書令史書吏之屬又各置曹兵以共其役其員因繁簡而立其餘主司專其事者各因事立名條流甚衆不可得而具也

王位列大司馬上

非親王則位在三公下

置師一人餘官大抵與

梁制不異其封內之調盡以入臺三分食一公已下四分食一

皇子王國置郎中令大農中尉常侍各一人侍郎二人上中下三將軍各一人上中大夫各二人防閣四人典書典祠學官典衛等令各一人齋帥四人食官廐牧長各一人典醫丞二人典府丞一人執書二人謁者四人舍人十人等員諸王國則加有陵長廟長常侍各一人

而無中將軍員上中大夫各減一人諸公又減諸王防
閣齋帥典鑿丞等員諸侯伯子男國又減諸公國將軍
大夫員諸公主則置家令丞主簿錄事等員

司州置牧屬官有別駕從事史治中從事史州都主簿
西曹書佐記室戶曹功曹金曹租曹兵曹騎曹都官法
曹部郡等從事員

主簿置史西曹
已下各置掾史

又領西東市署令丞

及統清都郡諸畿郡

清都郡置尹丞中正功曹主簿督郵五官門下督錄事

主記議及功曹記室戶田金租兵騎賊法等曹掾中部掾等員

鄴臨漳成安三縣令各置丞中正功曹主簿門下督錄事主記議及功曹記室戶田金租兵騎賊法等曹掾員鄴又領右部南部西部三尉又領十二行經途尉凡一百三十五里置正臨漳又領左部東部二尉左部管九行經途尉凡一百一十四里置正成安又領後部北部二尉後部管十一行經途尉七十四里置正清

都郡諸縣令已下官員悉與上上縣同諸畿郡太守已下悉與上上郡同

上上州刺史置府屬官有長史司馬錄事功曹倉曹中兵等參軍事及掾史主簿及掾記室掾史外兵騎兵長流城局刑獄等參軍事及掾史參軍事及法墨田鎧集士等曹行參軍及掾史右戶掾史行參軍長兼行參軍督護統府錄事統府直兵箱錄事等員州屬官有別駕從事史治中從事史州都光迎主簿主簿西曹書佐市

令及史祭酒從事史部郡從事皂服從事典籤及史門
下督省事都錄事及史箱錄事及史朝直刺姦記室掾
戶曹田曹金曹租曹兵曹左戶等掾史等員

上上州府州屬官佐史合三百九十三人上中州減上
上州十人上下州減上中州十人中上州減上下州五
十一人中中州減中上州十人中下州減中中州十人
下上州減中下州五十人下中州減下上州十人下下
州減下中州十人

上上郡大守屬官有丞中正光迎功曹光迎主簿功曹

主簿五官省事錄事及西曹戶曹金曹租曹兵曹集曹

等掾佐太學博士助教太學生市長倉督等員合屬官

佐史二百一十二人上中郡減上上郡五人上下郡減

上中郡五人中上郡減上下郡四十五人中中郡減中

上郡五人中下郡減中中郡五人下上郡減中下郡四

十人下中郡減下上郡二人下下郡減下中郡二人

上上縣令屬官有丞中正光迎功曹光迎主簿功曹主

簿錄事及西曹戶曹金曹租曹兵曹等掾市長等員合屬官佐史五十四人上中縣減上上縣五人上下縣減上中縣五人中上縣減上下縣六人中中縣減中上縣五人中下縣減中中縣一人下上縣減中下縣一人下中縣減下上縣一人下下縣減下中縣一人

自州郡縣各因其大小置白直以供其役

三等諸鎮置鎮將副將長史錄事參軍倉曹中兵長流城局等參軍事鎧曹行參軍市長倉督等員

三等戍置戍主副掾隊主副等員

官一品每歲祿八百匹二百匹爲一秩從一品七百匹一百七十五匹爲一秩

二品六百匹一百五十匹爲一秩從二品五百匹一百二十五匹爲一秩

三品四百匹一百匹爲一秩從三品三百匹七十五匹爲一秩

四品二百四十匹六十匹爲一秩從四品二百匹五十

匹爲一秩

五品一百六十匹四十匹爲一秩從五品一百二十匹三十匹爲一秩

六品一百匹二十五匹爲一秩從六品八十匹二十匹爲一秩

七品六十匹十五匹爲一秩從七品四十匹十匹爲一秩

八品三十六匹九匹爲一秩從八品三十二匹八匹爲

一秩

九品二十八匹七匹爲一秩從九品二十四匹六匹爲一秩

祿率一分以帛一分以粟一分以錢事繁者優一秩平者守本秩閑者降一秩長兼試守者亦降一秩官非執事不朝拜者皆不給祿又自一品已下至於流外勲品各給事力一品至三十人下至於流外勲品或以五人爲等或以四人三人二人一人爲等繁者加一等平者

守本力閑者降一等焉

州郡縣制祿之法刺史守令下車各前取一時之秩

上上州刺史歲秩八百匹與司州牧同上中上下各以
五十匹爲差中上降上下一百匹中中及中下亦以五
十匹爲差下上降中下一百匹下中下下亦各以五十
匹爲差

上郡太守歲秩五百匹降清都尹五十匹上中上下各
以五十匹爲差中上降上下四十匹中中及中下各以

三十匹爲差下上降中下四十匹下中下下各以二十匹爲差

上上縣歲秩一百五十匹與鄴臨漳成安三縣同上中上下各以十匹爲差中上降上下三十匹中中及中下各以五匹爲差下上降中下二十匹下中下下各以十匹爲差

州自長史已下逮于史吏郡縣自丞已下逮于掾佐亦皆以帛爲秩郡有尉者尉減丞之半皆以其所出常調

課之其鎮將戍主軍主副幢主副逮于掾史亦各有差矣

諸州刺史守令已下幹及力皆聽敕乃給其幹出所部之人一幹輸絹十八匹幹身放之力則以其州郡縣白直充

三師王二大

大司馬
大將軍

三公爲第一品

開府儀同三司開國郡公爲從一品

儀同三司太子三師特進尚書令驃騎車騎將軍

二將
軍加

大者在開國郡公下

衛將軍

加大者在太子太師上

四征將軍

加大者次衛大將軍

左

右光祿大夫散郡公開國縣公爲第二品

尚書僕射

置二左居右上

中書監四鎮

加大者次四征

中鎮撫軍將軍

三將軍武職罷任者爲之

領軍

加大者在尚書令下

護軍翊軍將軍金紫光祿

大夫散縣公開國縣侯爲從二品

吏部尚書四安將軍中領護太常光祿衛尉卿太子三

少中書令太子詹事侍中列曹尚書四平將軍大宗正

大僕大理鴻臚司農太府卿清都尹三等上州刺史左

右衛將軍祕書監銀青光祿大夫散縣侯開國縣伯爲
第三品

散騎常侍三等中州刺史司徒左長史四方中郎將四

護匈奴羌戎夷蠻越中郎將國子祭酒御史中丞中侍中長秋

卿將作大匠冠軍將軍太尉長史領左右將軍武衛將
軍太子左右衛率輔國將軍四護校尉太中大夫龍驤
將軍三等上郡太守散縣伯爲從第三品

鎮遠安遠將軍太常光祿衛尉少卿尚書吏部郎中給

事黃門侍郎太子中庶子司徒右長史司空長史太宗
正太僕大理鴻臚司農太府少卿三公府司馬中常侍
中尹城門校尉武騎雲騎驍騎遊擊將軍已前上階建忠建
節將軍通直散騎常侍諸開府長史中大夫三等下州
刺史三等鎮將諸開府司馬開國縣子爲第四品

中堅中壘將軍尚書左丞三公府諮議參軍事司州別
駕從事史三等上州長史太子三卿前左右後軍將軍
中書侍郎太子庶子三等中郡太守左右備身刀劍備

身備身衛仗直湯等正都督三等上州司馬

已前階振威

奮武將軍諫議大夫尚書右丞諸開府諮議參軍司州
治中從事史左右中郎將步兵越騎射聲屯騎長水校
尉朱衣直閣直閣將軍太子騎官備身內直備身等正
都督三等鎮副將散縣子爲從第四品

廣德弘義將軍太子備身直入直衛等正都督領左右
三等中州長史三公府從事中郎祕書丞皇子友國子
博士散騎侍郎太子中舍人員外散騎常侍三等中州

司馬

已前
上階

折衝制勝將軍主衣都統尚食尚藥二典御

太子旅騎屯衛典軍校尉領護府長史司馬諸開府從事中郎開國縣男爲第五品

伏波陵江將軍三等下州長史三公府掾屬著作郎通直散騎侍郎太子洗馬左右備身刀劍備身御仗直盪等副都督左右直長中尚食中尚藥典御三等下州司

馬

已前
上階

輕車樓船將軍駙馬都尉翊衛正都督直寢直

齋奉車都尉都水使者諸開府掾屬崇聖歸義歸正歸

命歸德侯清都郡丞治書侍御史鄴臨漳成安三縣令
中給事中三等下郡太守大理司直太子直閣二衛隊
主太子騎官內直備身副都督開國鄉男散縣男爲從
第五品

勁武昭勇將軍尚書諸曹郎中中書舍人三公府主簿
三等上州別駕從事史四中府三等鎮守長史三公府
錄事參軍事皇子郎中令三公府功曹記室戶倉中兵
參軍事皇子文學謁者僕射

已前
上階

明威顯信將軍太子

備身副都督四中府司馬武賁中郎將羽林監冗從僕
射直入副都督千牛備身大理正監評侍御師諸開府
錄事功曹記室倉中兵等曹參軍事三等上州錄事參
軍事治中從事史三等上郡丞三等上縣令太子內直
監平準署令爲第六品

度遼橫海將軍直突都督三等中州別駕從事史三公
府列曹參軍事給事中太子門大夫三等上州功倉中
兵等參軍事皇子大農騎都尉直後符璽郎中三等中

州錄事參軍事

已前上階

踰岷越嶂將軍直衛副都督三等

中州從事史諸開府主簿列曹參軍事三等中州功倉
中兵等參軍事太子舍人三寺丞太子直前太子副直
監太子諸隊主爲從第六品

戎昭武毅將軍勳武前鋒正都督三公府東西閤祭酒
三等下州別駕從事史三等上州府主簿列曹參軍事
三等下州錄事參軍事四中府錄事參軍事王公國郎
中令積弩積射將軍員外散騎侍郎皇子中尉三公府

參軍事列曹行參軍

已前上階

雄烈恢猛將軍翊衛副都督

諸開府東西閤祭酒參軍事列曹行參軍三等下州功
倉中兵參軍事四中府功倉中兵參軍事三等中州府
主簿列曹參軍事二衛府司馬詹事府丞左右備身五
職三等鎮錄事參軍事六寺丞祕書郎中著作佐郎太
子侍鑿太子騎尉太子騎官備身五職三等中郡丞三
等中縣令爲第七品

揚麾曜鋒將軍勳武前鋒副都督強弩將軍三公府行

參軍三等上州參軍事列曹行參軍三等下州府主簿

列曹參軍事四中府列曹參軍事王公國大農長秋將

作寺丞太子二率坊司馬三等鎮倉中兵參軍事

已前上階

蕩邊開域將軍勲武前鋒散都督太學博士皇子常侍

太常博士武騎常侍左右備身刀劍備身五職

都將別統軍主

幢主三等中州參軍事列曹行參軍諸開府行參軍奉朝

請國子助教公車京邑二市署令三等鎮列曹參軍事

三縣丞侍御史尚食尚藥丞齋帥中尚食中尚藥丞太

子直後二衛隊副前鋒正都督太子騎官備身太子內

直備身五職

已見前

諸戍主軍主爲從第七品

靜漠綏戎將軍協律郎三等上州行參軍三等下州參

軍事列曹參軍事四中府列曹行參軍侯伯國郎中令

殿中將軍皇子侍郎

已前上階

平越殄夷將軍刀劍備身五

職

已見前

前鋒副都督太子內直備身主書殿中侍御史

太子典膳藥藏丞太子齋帥三等中州行參軍王公國

中尉三等鎮鎧曹行參軍三等下郡丞三等下縣令爲

第八品

飛騎隼擊將軍三公府長兼左右戶行參軍長兼行參

軍門下錄事尚書都令史檢校御史諸署令諸開府典

籤中謁者僕射中黃門冗從僕射

已前上階

武牙武奮將軍

備身御仗五職宮門署僕射太子備身五職侯伯國大

農皇子上下將軍皇子上中大夫王公國常侍諸開

府長兼左右戶行參軍諸開府長兼行參軍員外將軍

勳武前鋒五職司州及三等上州典籤太子諸隊副諸

戍諸軍副清都郡丞爲從第八品

清野將軍子男國郎中令諸署內謁者局統三等上州

長兼行參軍中黃門太子內坊令公主家令皇子防閣

典書令四門博士大理律博士校書郎三公府參軍督

護都水參軍事七部尉諸郡尉

已前
上階

橫野將軍王公國

侍郎侯伯國中尉謁者太子三寺丞諸開府參軍督護

殿中司馬督御仗太子食官中省典倉等令太子備身

平準公車丞三等中州典籤爲第九品

偏將軍諸宮教博士太子司藏廐牧令太子校書諸署
別局都尉諸尉諸關津尉三等上州參軍督護三等中
州長兼行參軍祕書省正字皇太子三令王公國上中
下將軍及上中大夫諸署令諸縣丞已前階裨將軍領軍
護軍府太常光祿衛尉寺詹事府等功曹五官奉禮郎
子男國大農小黃門員外司馬督太學助教諸幢主遙
途尉中侍中省錄事三等下州典籤尚書門下中書等
省監師爲從第九品

流內比視官十三等第一領人酋長視從第三品第一
不領人酋長視第四品第二領人酋長第一領人庶長
視從第四品諸州大中正第二不領人酋長第一不領
人庶長視第五品諸州中正畿郡邑中正第三領人酋
長第二領人庶長視從第五品第三不領人酋長第二
不領人庶長視第六品第三領人庶長視從第六品第
三不領人庶長視第七品司州州都主簿國子學生視
從第七品諸州州都督簿司州西曹書佐清都郡中正

功曹視第八品司州列曹從事諸州西曹書佐諸郡中
正功曹清都郡主簿視從第八品司州部郡從事諸州
祭酒從事史視第九品諸州部郡從事司州守從事諸
郡主簿司州武猛從事視從第九品

周太祖初據關內官名未改魏號及方隅粗定改創章
程命尚書令盧辯遠師周之建職置三公三孤以爲論
道之官次置六卿以分司庶務其所制班序

內命

謂王朝之臣

三公九命三孤八命六卿七命上大夫六

命中大夫五命下大夫四命上士三命中士再命下士一命

外命

謂諸侯及其臣

諸公九命諸侯八命諸伯七命諸子六命

諸男五命諸公之孤卿四命侯之孤卿公之大夫三命子男之孤卿侯伯之大夫公之上士再命子男之大夫公之中士侯伯之上士一命公之下士侯伯之中士下士子男之士不命其制祿秩下士一百二十五石中士已上至於上大夫各倍之上大夫是爲四千石卿二分

孤三分公四分各益其一公因盈數爲一萬石其九秩
一百二十石八秩至於七秩每二秩六分而下各去其
一二秩俱爲四十石凡頒祿視年之上下畝至四釜爲
上年上年頒其正三釜爲中年中年頒其半二釜爲下
年下年頒其一無年爲凶荒不頒祿六官所制如此制
度既畢太祖以魏恭帝三年始命行之所設官名訖於
周末多有改更並具盧傳不復重序云

隋書卷二十七

隋書卷二十七考證

百官志中駝牛署有典駝特牛牴牛三局○舊本牴訛

牴

臣映斗

按牴牝牛特牡牛蓋牡牛牝牛各爲一局

以時孳乳而後蕃息孔叢子子欲速富當畜五牴字
典無牴字

左尚方又別領別局樂器器作三局丞○南監本無下
別字閣本注宋刻無別字按下文亦有別領別局仍
之

又別有乘黃局教尉○按教疑作校

隋書卷二十七考證

謹案卷二十六第四頁後二行糠粃文案刊本粃
訛批據監本改

第十五頁前一行有迎新送故等員刊本送訛逆
據監本改

第十八頁前六行庶姓公府錄事記室刊本姓訛
政據毛本及通典改

第二十四頁前一行柴署丞刊本署訛庶據毛本
及通典改

前八行為三品蒞位南本毛本同通典作曹位

第二十六頁前六行金威各本同通典作全威

第三十六頁前四行皇弟皇子文學通典文學上

有府字

卷二十七第八頁後二行甄官等署令丞刊本令

訛合據監本改

第十三頁後七行廢牧長各一人按毛本作各二

人

第二十一頁前四行中大夫通典作中散大夫

第二十二頁前五行御仗直盪刊本仗訛使盪訛

塗據毛本改

第二十三頁前二行侍御師南監本毛本並同通

典師作史

第二十六頁後六行七行遙途尉中通典作廷尉


中

第二十七頁後六行論道之官刊本論訛諭據毛

本改

第二十八頁前八行中士以上至於上大夫各倍
之刊本上訛土今改





覆校官助教 臣 吳省蘭

校對官檢討 臣 王坦修

謄錄監生 臣 梅德

欽定四庫全書叢要

史部

隋書卷二十八
九

詳校官內閣侍讀_臣孫球



欽定四庫全書蒼要卷四千六百七十二

史部

隋書卷二十八

唐太尉揚州都督監修國史上柱國趙國公臣長孫無忌等撰

第二十三

百官下

高祖既受命改周之六官其所制名多依前代之法置
三師三公及尚書門下內史祕書內侍等省御史都水
等臺太常光祿衛尉宗正太僕大理鴻臚司農太府國

子將作等寺左右衛左右武衛左右武候左右領左右
監門左右領軍等府分司統職焉

三師不主事不置府僚蓋與天子坐而論道者也

三公參議國之大事依後齊置府僚無其人則闕祭祀
則太尉亞獻司徒奉俎司空行掃除其位多曠皆攝行
事尋省府及僚佐置公則坐於尚書都省朝之衆務總
歸於臺閣

尚書省事無不總置令左右僕射各一人總吏部禮部

兵部都官度支工部等六曹事是爲八座屬官左右丞
各一人都事八人分司管轄吏部尚書統吏部侍郎二
人主爵侍郎一人司勳侍郎二人考功侍郎一人禮部
尚書統禮部祠部侍郎各一人主客膳部侍郎各二人
兵部尚書統兵部職方侍郎各二人駕部庫部侍郎各
一人都官尚書統都官侍郎二人刑部比部侍郎各一
人司門侍郎二人度支尚書統戶部侍郎各二人金部
倉部侍郎各一人工部尚書統工部屯田侍郎各二人

虞部水部侍郎各一人凡三十六侍郎分司曹務直宿
禁省如漢之制

門下省納言二人給事黃門侍郎四人錄事通事令史
各六人又有散騎常侍通直散騎常侍各四人諫議大
夫七人散騎侍郎四人員外散騎常侍六人通直散騎
侍郎四人並掌部從朝直又有給事二十人員外散騎
侍郎二十人奉朝請四十人並掌同散騎常侍等兼出
使勞問統城門尚食尚藥符璽御府殿內等六局城門

局校尉二人直長四人尚食局典御二人直長四人食
鑿四人尚藥局典御二人侍御醫直長各四人醫師四
十人符璽御府殿內局監各二人直長各四人

內史省置監令各一人尋廢監置令二人侍郎四人舍
人八人通事舍人十六人主書十人錄事四人

祕書省監丞各一人郎四人校書郎十二人正字四人
錄事二人領著作太史二曹著作曹置郎二人佐郎八
人校書郎正字各二人太史曹置令丞各二人司厯二

人監候四人其歷天文漏刻視祿各有博士及生員

內侍省內侍內常侍各二人內給事四人內謁者監六

人內寺伯二人內謁者十二人寺人六人伺非八人竝

用宦者領內尚食掖庭宮闈奚官內僕內府等局

尚食
置典

御及丞各二人餘各置令丞皆二人其宮闈內
僕則加置丞各一人掖庭又有宮教博士二人

御史臺大夫一人治書侍御史二人侍御史八人殿內

侍御史監察御史各十二人錄事二人後魏延昌中王

顯有寵於宣武爲御史中尉請革選御史此後踵其事

每一中尉則更置御史自開皇後始自吏部選用仍依舊入直禁中

都水臺使者及丞各二人參軍三十人河堤謁者六十人錄事二人領掌船局都水尉二人又領諸津上津每尉一人丞二人中津每尉丞各一人下津每典作一人津長四人

太常光祿衛尉宗正太僕大理鴻臚司農太府等九寺並置卿少卿各一人

太僕尋加少卿一人

各置丞

太常衛尉宗正大理鴻臚將作

二人光祿太僕各三人
司農五人太府六人

主簿太府四人餘
寺各二人

錄事各二人
光祿則

加至三人司農
太府則各四人等員

太常寺又有博士四人協律郎二人奉禮郎十六人統

郊社太廟諸陵太祝衣冠太樂清商鼓吹太醫太卜廩

犧等署各置令

並一人太樂太醫

丞各一人郊社太樂
鼓吹則各至二人

郊社署又有典瑞

四人

太祝署有太祝

二人

太樂署清商署

各有樂師員

太樂八人清商二人

鼓吹署有哄師

二人

太醫署有主

藥人醫師

二百人

藥園師

二人

醫博士

二人

助教

二人

按摩博士

二祝禁博士二人等員太卜署有卜師二十人相師十人男覲

十六女巫八人太卜博士助教各二人相博士助教各一人等

員

光祿寺統太官肴藏良醞掌醞等署各置令

太官三人肴藏良醞

各二人掌醞一人丞太官八人肴藏掌醞各二人良醞四人

太官又有監膳

十二人

良醞有掌醞

五十人

掌醞有掌醞

十人等員

衛尉寺統公車武庫守宮等署各置令

公車一人武庫守宮各二人

丞

公車一人武庫二人

等員

宗正寺不統署

太僕寺又有獸醫博士員

一百二十人

統驂駟乘黃龍廐車

府典牧牛羊等署各置令

二人乘黃車府則各減二人

丞

二人乘黃則一人典

牧牛羊則各三人等員

大理寺不統署又有正監評

各一人

司直

十人

律博士

八人明

法

二十人

獄掾

八人

鴻臚寺統典客司儀崇玄三署各置令

二人崇玄則惟置一人

典

客署又有掌客

十人

司儀有掌儀

二十人

等員

司農寺統太倉典農平準廩市鈎盾華林上林導官等

署各置令

二人鈎盾上林則加至
三人華林惟置一人

太倉又有米廩督

二人

穀倉督

四人

鹽倉督

二人

京市有肆長

四人

導官有御細倉

督

二人

麴麴倉督

二人

等員

太府寺統左藏左尚方內尚方右尚方司染右藏黃藏

掌治甄官等署各置令

二人左右尚方則加至
二人黃藏則惟置一人

丞

四人
左尚

則八人右尚則六
人黃藏則一人

等員

國子寺

元隸
太常

祭酒

一人

屬官有主簿錄事

各一人

統國子太

學四門書算學各置博士

國子太學四門各五人書算各二人助教國子太學

四門各五人書算各二人

學生

國子一百四十人太學四門各三百六十人書四十八人算八十八人

等

員

將作寺大匠

一人丞主簿錄事

各二人統左右校署令

各二人

丞

左校四人右校三人

各有監作

左校十二人右校八人

等員

左右衛左右武衛左右武候各大將軍

一人將軍

二人並有

長史司馬錄事功倉兵騎等曹參軍法曹鎧曹行參軍

各一人

行參軍

左右衛左右武候各八人左右武衛各八人

等員

左右衛掌宮掖禁禦督攝仗衛又各有直閤將軍

六人直

寢

十二人

直齋直後

各十人

竝掌宿衛侍從奉車都尉

六人掌

馭副車武騎常侍

十人

殿內將軍

十五人

員外將軍

二十人

殿

內司馬督

二十人

員外司馬督

四十人

竝以參軍府朝出使

勞問左右衛又各統親衛置開府

左勳衛開府左翊一開府二開府三開府

四開府及武衛武候領軍東宮領兵開府準此

府置開府

一有長史司馬錄事

及倉兵等曹參軍法曹行參軍

各一人

行參軍

三人

又有儀

同府

武衛武候領軍東宮領兵儀同皆準此

儀同已下置員同開府但無

行參軍員諸府皆領軍坊每坊

東宮軍坊準此

置坊主

一人佐二人

每鄉團

東宮鄉團準此

置團主

一人佐二人

左右武衛府無置閣已

下員但領外軍宿衛

左右武候掌車駕出先驅後殿晝夜巡察執捕姦非烽候道路水草所置巡狩師田則掌其營禁右加置司辰

師

四漏刻生一百一十人

左右領左右府各大將軍

一人將軍

二人掌侍衛左右供御

兵仗領千牛備身

十二人

掌執千牛刀備身左右

十二人

掌

供御弓箭備身

六十人

掌宿衛侍從各置長史司馬錄事

及倉兵二曹參軍事鎧曹行參軍

各二人

等員

左右監門府各將軍

一人

掌宮殿門禁及守衛事各置郎

將

二校尉直長各三人

長史司馬錄事及倉兵曹參軍鎧

曹行參軍

各一人

行參軍

各四人等員

左右領軍府各掌十二軍籍帳差科辭訟之事不置將

軍唯有長史司馬掾屬及錄事功倉戶騎兵等曹參軍

法鎧等曹行參軍

各一人

行參軍

各十六人

等員又置明法

各四人

隸於法司掌律令輕重

行臺省則有尚書令僕射

左右任置

兵部

兼吏部禮部

度支

兼都工

部

尚書及丞

左右任置

各一人都事四人有考功

兼吏部爵

部司勳

禮部

兼祠部主客

膳部兵部

兼職方

駕部庫部刑部

兼都官司門

度

支

兼倉部

戶部

兼比部

金部工部屯田

兼水部虞部

侍郎各一人

每行臺置食貨農圃武器百工監副監各一人各置丞

食貨四人農圃六人
武器二人百工四人

錄事

食貨農圃百工各二人武器一人

等員

太子置太師太傅太保少師少傅少保開皇初置詹事

二年定令罷之

門下坊置左庶子二人內舍人四人錄事二人主事令
史四人統司經宮門內直典膳藥藏齋帥等六局司經
置洗馬四人校書六人正字二人宮門置大夫二人內
直置監副監各二人監殿舍人四人典膳藥藏並置監
丞各二人藥藏又有侍鑿四人齋帥置四人

典書坊右庶子二人舍人通事舍人各八人錄事二人
主事令史四人內坊典內及丞各二人丞直四人錄事

一人內廐置尉二人掌內車輿之事

家令

掌刑法食膳倉庫什物奴婢等事

率更令

掌伎樂漏刻

僕

掌宗族親疎車輿騎乘

各一人三寺各置丞

家令二人寺各一人

錄事

家令二人寺各一人

家令領

食官典倉司藏三署令

各一人

丞

食官二人典倉一人司藏三人

僕寺領

廐牧令一人員

左右衛各置率一人副率二人掌宮中禁衛各置長史

司馬及錄事功倉兵騎兵等曹參軍事法曹鎧曹行參

軍各一人行參軍

四人

員又各有直閤四人直寢八人直

齋直後各十人

左右宗衛制官如左右衛各掌以宗人侍衛加置行參軍二人而無直閣直寢直齋直後等員

左右虞候各置開府一人掌斥候向非長史已下如左右衛而無錄事參軍員減行參軍一人

左右內率副率各一人掌領備身已上禁內侍衛供奉兵仗又無功騎兵法等曹及行參軍員餘與虞候同有千牛備身八人掌執千牛刀備身左右八人掌供奉弓

箭備身二十人掌宿衛侍從

左右監門各率一人副率二人掌諸門禁長史已下同
內率府而各有直長十人

高祖又採後周之制置上柱國柱國上大將軍大將軍
上開府儀同三司開府儀同三司上儀同三司儀同三
司大都督帥都督都督總十一等以酬勤勞又有特進
左右光祿大夫金紫光祿大夫銀青光祿大夫朝議大
夫朝散大夫並爲散官以加文武官之德聲者並不理

事六品已下又有翊軍等四十三號將軍品凡十六等

爲散號將軍以加汎授居曹有職務者爲執事官無職
務者爲散官凡上柱國已下爲散實官軍爲散號官諸
省及左右衛武侯領左右監門府爲內官自餘爲外官

國王郡王國公郡公縣公侯伯子男凡九等皇伯叔昆

弟皇子爲親王置師友各一人文學二人

嗣王則無師友

長史

司馬諮議參軍事掾屬各一人主簿二人錄事功曹記
室戶倉兵等曹騎兵城局等參軍事東西閣祭酒各一

人參軍事四人法田水鎧士等曹行參軍各一人行參軍六人長兼行參軍八人典籤二人

上柱國嗣王郡王無主簿錄事參軍東西閤祭酒長兼行參軍等員而加參軍事爲五人行參軍爲十二人柱國又無騎兵參軍事水曹行參軍等員而減參軍事行參軍各一人上大將軍又無詔議參軍事田曹鎧曹行參軍員又減行參軍一人大將軍又無掾屬員又減參軍事二人上開府又無法曹士曹行參軍參軍事員開

府又無典籤員減行參軍二人上儀同又無功曹城局
參軍事員又減行參軍二人儀同又無倉曹員減行參
軍三人

三師三公置府佐與柱國同若上柱國任三師三公唯
從上柱國置王公已下三品已上又並有親信帳內各
隨品高卑而制員

諸王置國官有令太農各一人尉各二人典衛各八人
常侍各二人侍郎各四人廟長學官長各一人食官廐

牧長丞各一人典府長丞各一人舍人各四人等員上
柱國柱國公減典衛二人無侍郎員侯伯又減典衛二
人食官廐牧長各一人子男又減尉典衛常侍舍人各
一人上大將軍大將軍公同柱國子男其侯伯減公典
衛侍郎廐牧丞各一人子男無令無典衛又減舍人一
人上開府開府公同大將軍子男其侯伯又無常侍無
食官廐牧丞子男又無侍郎廐牧長上儀同儀同公同
開府子男其侯伯又無尉無學官長子男又無廐長食

官長二王後置國官與諸王同郡王與上柱國公同國
公無上開府已上官者與開府公同散郡公與儀同侯
伯同散縣公與儀同子男同大長公主長公主立
置家令丞各一人主簿謁者舍人各二人等員郡主唯
減主簿員

雍州置牧屬官有別駕贊務州都郡正主簿錄事西曹
書佐金戶兵法士等曹從事部郡從事武猛從事等員
并佐史合五百二十四人

京兆郡置尹丞正功曹主簿金戶兵法士等曹佐等員
并佐史合二百四十四人

大興長安縣置令丞正功曹主簿西曹金戶兵法士曹
等員并佐史合一百四十七人

上上州置刺史長史司馬錄事參軍事功曹戶兵等曹
參軍事法士曹等行參軍行參軍典籤州都光初主簿
郡正主簿西曹書佐祭酒從事部郡從事倉督市令丞
等員并佐史合三百二十三人

上中州減上州吏屬十二人

上下州減上中州十六人

中上州減上下州二十九人

中中州減中上州二十人

中下州減中中州二十人

下上州減中下州三十二人

下中州減下上州十五人

下下州減下中州十二人

郡置太守丞尉正光初功曹光初主簿縣正功曹主簿
西曹金戶兵法士等曹市令等員并佐史合一百四十
六人

上中郡減上上郡吏屬五人

上下郡減上中郡四人

中上郡減上下郡十九人

中中郡減中上郡六人

中下郡減中中郡五人

下上郡減中下郡十九人

下中郡減下上郡五人

下下郡減下中郡六人

縣置令丞尉正光初功曹光初主簿功曹主簿西曹金
戶兵法士等曹佐及市令等員合九十九人

上中縣減上上縣吏屬四人

上下縣減上中縣五人

中上縣減上下縣十人

中中縣減中上縣五人

中下縣減中中縣五人

下上縣減中下縣十二人

下中縣減下上縣六人

下下縣減下中縣五人

州置總管者列爲上中下三等總管刺史加使持節

鎮置將副戍置主副關置令丞其制官屬各立三等之

差

同州總監副監各一人置二丞統食貨農圃二監副監
岐州亦置監副監諸治亦置三等監各有丞員

鹽池置總監副監丞等員管東西南北面等四監亦各
置副監及丞隴右牧置總監副監丞以統諸牧其驛騶
牧及二十四軍馬牧每牧置儀同及尉大都督帥都督
等員驢騾牧置帥都督及尉原州羊牧置大都督并尉
原州駝牛牧置尉又有皮毛監副監及丞錄事又鹽州
牧監置監及副監置丞統諸羊牧牧置尉苑川十二馬

牧每牧置大都督及尉各一人帥都督二人沙苑羊牧
置尉二人緣邊交市監及諸屯監每監置監副監各一
人畿內者隸司農自外隸諸州焉

五嶽各置令又有吳山令以供其洒掃

三師王三公爲正一品

上柱國郡王國公開國郡縣公爲從一品

柱國太子三師特進尚書令左右光祿大夫開國侯爲

正二品

上大將軍尚書左右僕射雍州牧金紫光祿大夫爲從
二品

大將軍吏部尚書太常光祿衛尉等三卿太子三少納
言內史令左右衛左右武衛左右武候領左右等大將
軍禮部兵部都官度支工部尚書宗正太僕大理鴻臚
司農太府等六卿上州刺史京兆尹祕書監銀青光祿
大夫開國伯爲正三品

上開府儀同三司散騎常侍左右衛武衛武候領左右

監門等將軍國子祭酒御史大夫將作大匠中州刺史
親王師朝議大夫爲從三品

驃騎將軍開府儀同三司太常光祿衛尉等三少卿太
子左右衛宗衛內等率尚書吏部侍郎給事黃門侍郎
太子左庶子宗正太僕大理鴻臚司農太府等少卿下
州刺史已前上階內史侍郎太子右庶子通直散騎常侍左
右監門郎將朝散大夫開國子爲正四品

上儀同三司尚書左丞太子左右衛宗衛內等副率左

右監門率上郡太守雍州別駕親王府長史太子家令

率更令僕內侍城門校尉

已前上階

尚書右丞上鎮將軍雍

州贊務直閣將軍親王府司馬諫議大夫爲從四品

車騎將軍儀同三司內常侍祕書丞國子博士散騎侍

郎太子內舍人太子左右監門副率員外散騎常侍上

州長史親王府諮議參軍事開國男

已前上階

尚食尚藥典

御上州司馬爲正五品

著作郎通直散騎侍郎中郡太守直寢太子洗馬中州

長史奉車都尉

已前上階

都水使者治書侍御史大興長安

令大理司直直齋太子直閣京兆郡丞中州司馬中鎮

將上鎮副內給事駙馬都尉親王友員外散騎侍郎爲
從五品

翊軍翊師將軍尚書諸曹侍郎內史舍人下郡太守大

都督親王府掾屬下州長史

已前上階

四征將軍

征東征南征西征北

三將軍

內軍鎮軍撫軍

大理正監評千牛備身左右左右監門

校尉內尚食典御符璽監御府監殿內監太子內直監

下州司馬下鎮將中鎮副爲正六品

四平將軍

平東平南
平西平北

四將軍

前軍後軍
左軍右軍

通事舍人親王

文學帥都督左右領軍府長史太子直寢親王府主簿

親王府錄事參軍事太子門大夫給事上縣令

已前
上階冠

軍輔國二將軍太子舍人直後三寺丞親王府功曹記

室倉戶曹參軍事城門直長太子直齋太子副直監太

子典內左右領軍府司馬下鎮副爲從六品

鎮遠安遠二將軍員外散騎侍郎御醫左右衛武衛武

候領左右等府長史親衛親王府諸曹參軍事

已前建
上階

威寧朔二將軍六寺丞祕書郎著作佐郎太子千牛備
身太子備身左右尚食尚藥左右監門等直長太子通
事舍人左右衛武衛武侯領左右等府司馬都督太子
典膳藥藏等監太子齋帥上戍主爲正七品

寧遠振威二將軍左右監門府長史太子左右衛宗衛
等率左右虞候左右內率等府長史符璽御府殿內等
直長上州錄事參軍事左右領軍府掾屬親王府東西

閤祭酒中縣令上郡丞太子親衛將作丞勳衛親王府

參軍事上鎮長史

已前上階

伏波輕車二將軍太學太常二

博士武騎常侍奉朝請國子助教親王府諸曹行參軍

太子直後太子左右監門直長大興長安縣丞太子侍

醫侍御史太史令上州諸曹參軍事左右監門府太子

左右衛左右宗衛左右虞候左右內率等司馬上鎮司

馬爲從七品

宣威明威二將軍協律郎都水丞殿內將軍太子左右

監門率府長史別將下縣令中郡丞中州錄事參軍事

上上州諸曹行參軍事親王府行參軍左右領軍府錄

事參軍事中鎮長史太子內坊丞太子勳衛已前階襄威

厲威二將軍殿內御史掖庭宮闈二令上署令公車郊社太廟

太祝平準太樂驛騶武庫典客鈎盾左藏太倉左尚方右尚方司染典農京市太官鼓吹太子左右

監門率府司馬中州諸曹參軍事左右衛武衛武侯等

府錄事參軍事左右領軍府諸曹參軍事內尚食丞中

戍主上戍副爲正八品

威戎討寇二將軍四門博士主書門下錄事尚書都事

監察御史內謁者監上關令中署令

太醫右藏黃藏乘黃龍廐衣冠守宮

華林上林掌治導官

左校右校牛羊典牧

下郡丞下州錄事參軍事中州諸

曹行參軍備身左右衛武衛武侯領左右等府諸曹參

軍事左右領軍府諸曹行參軍太子左右衛宗衛率等

府錄事參軍事下鎮長史太子翊衛

已前上階

盪寇盪難二

將軍親王府長史行參軍及典籤員外將軍統軍太子

三寺丞中關令奚官內僕二令下署令

諸陵崇玄大卜車府清商司儀

有藏良醞掌

醞甄官廩犧

上津尉下州諸曹參軍事左右衛武衛武
候等府諸曹行參軍領左右府鎧曹行參軍左右監門
太子左右衛宗衛等率左右虞候左右內率等府諸曹
參軍事掌船局都尉上鎮諸曹參軍事上縣丞上郡尉
爲從八品

殄寇殄難二將軍太學助教太子備身大理寺律博士
諸校書郎都水參軍事內史錄事內謁者令內寺伯中
縣丞下關令中津尉下州諸曹行參軍上州行參軍左

右監門府鎧曹行參軍太子左右衛宗衛虞候府等諸曹行參軍太子左右內率府鎧曹行參軍左右領軍府行參軍中鎮諸曹參軍事上鎮士曹行參軍中郡尉

已前

上階掃寇掃難二將軍殿內司馬督太子食官典倉司藏

等令尚食尚醫軍主太史掖庭宮闈局等丞上署令太子左右監門率府諸曹參軍事中州行參軍左右衛武衛武候等府行參軍上州典籤下戍主上關丞太子典膳藥藏等局丞下郡尉典客署掌客司辰師爲正九品

曠野橫野二將軍掖庭局宮教博士太祝太子廐牧令

太子校書下縣丞中署丞左右監門率府鎧曹行參軍

下州行參軍中州典籤左右監門府太子左右衛宗衛

虞候率府等行參軍正字太子內坊丞直中關上津丞

下鎮諸曹參軍事中鎮士曹行參軍上縣尉

已前階偏裨

二將軍四門助教書算學博士奉禮郎員外司馬督幢

主奚官內僕等局丞下署丞下州典籤內謁者局丞中

津丞中縣尉太子正字太史監候太官監膳御府局監

事左右校及掖庭監作太史司厯諸樂師爲從九品
又有流內視品十四等

行臺尚書令爲視正二品

上總管行臺尚書僕射爲視從二品

中總管行臺諸曹尚書爲視正三品

下總管爲視從三品

行臺尚書左右丞爲視從四品

同州總監隴右牧總監爲視從五品

行臺諸曹侍郎爲視正六品

上柱國嗣王郡王柱國府長史司馬諮議參軍事鹽池
總監同州隴右牧總副監王二王後國令爲視從六品
上大將軍大將軍府長史司馬上柱國嗣王郡王柱國
府掾屬嗣王文學公國令王二王後大農尉典衛爲視
正七品

上開府開府府長史司馬上大將軍大將軍府掾屬上
柱國嗣王郡王柱國府諸曹參軍事鹽池總監鹽州

牧監諸屯監國子學生侯伯國令公國大農尉典衛雍州薩保爲視從七品

上儀同儀同府長史司馬上大將軍大將軍府諸曹參軍事上柱國嗣王郡王柱國府參軍事諸曹行參軍行臺諸監同州諸監鹽池四面監皮毛監岐州監同州總監隴右牧監等丞諸大冶監雍州州都主簿子男國令侯伯國大農尉典衛王二王後國常侍爲視正八品行臺尚書都事上開府開府府諸曹參軍事上大將軍

大將軍府參軍事諸曹行參軍上柱國嗣王郡王柱國
府行參軍五岳四瀆吳山等令鹽池四面副監諸皮毛
副監行臺諸副監諸屯副監諸中冶監諸緣邊交市監
鹽池總監丞諸州州都主簿雍州西曹書佐諸曹從事
京兆郡正功曹太學生子男國大農典衛爲視從八品
開府府法曹行參軍上儀同儀同府諸曹參軍事上大
將軍大將軍府行參軍上柱國嗣王郡王柱國府典籤
同州諸副監岐州副監諸小冶監鹽州牧監丞諸大冶

監丞諸緣邊交市副監諸郡正功曹京北郡主簿諸州
西曹書佐祭酒從事雍州部郡從事公國常侍王二王
後國侍郎公主家令諸州胡二百戶已上薩保爲視正
九品

儀同府法曹行參軍上開府開府府行參軍上大將軍
大將軍府典籤上儀同儀同府行參軍上開府府典籤
行臺諸監丞鹽池四面監丞皮毛監丞諸中冶監丞四
門學生諸郡主簿諸州部郡從事雍州武猛從事大興

長安縣正功曹主簿侯伯子男國常侍公國侍郎爲視
從九品

又有流外勳品二品三品四品五品六品七品八品九
品之差又視流外亦有視勳品視二品視三品視四品
視五品視六品視七品視八品視九品之差極於胥吏
矣皆無上下階云

京官正一品祿九百石其下每以百石爲差至正四品
是爲三百石從四品二百五十石其下每以五十石爲

差至正六品是爲百石從六品九十石以下每以十石爲差至從八品是爲五十石食封及官不判事者并九品皆不給祿其給皆以春秋二季刺史太守縣令則計戶而給祿各以戶數爲九等之差大州六百二十石其下每以四十石爲差至於下下則三百石大郡三百四十石其下每以三十石爲差至於下下則百石大縣百四十石其下每以十石爲差至於下下則六十石其祿唯及刺史二佐及郡守縣令

三年四月詔尚書左僕射掌判吏部禮部兵部三尚書
事御史糾不當者兼糾彈之尚書右僕射掌判都官度
支工部三尚書事又知用度餘皆依舊尋改度支尚書
爲戶部尚書都官尚書爲刑部尚書諸曹侍郎及內史
舍人竝加爲從五品增置通事舍人十二員通舊爲二
十四員廢光祿寺及都水臺入司農廢衛尉入太常尚
書省廢鴻臚亦入太常罷大理寺監評及律博士員加
置正爲四人罷郡以州統縣改別駕贊務以爲長史司

馬舊周齊州郡縣職自州都郡縣正已下皆州郡將縣令至而調用理時事至是不知時事直謂之鄉官別置品官皆吏部除授每歲考殿最刺史縣令三年一遷佐官四年一遷佐官以曹爲名者竝改爲司六年尚書省二十四司各置員外郎一人以司其曹之籍帳侍郎闕則釐其曹事吏部又別置朝議通議朝請朝散給事承奉儒林文林等八郎武騎屯騎驍騎游騎飛騎旅騎雲騎羽騎八尉其品則正六品以下從九品以上上階爲

郎下階爲尉散官番直常出使監檢罷門下省員外散
騎常侍奉朝請通事令史員及左右衛殿內將軍司馬
督武騎常侍等員

十二年復置光祿衛尉鴻臚等寺諸州司以從事爲名
者改爲參軍

十三年復置都水臺國子寺罷隸太常又改寺爲學

十四年諸省各置主事令史員改九等州縣爲上中中
下下凡四等

十五年罷州縣鄉官

十六年內侍省加置內主事員二十人以承門閤

十八年置備身府

二十年改將作寺爲監以大匠爲大監初加置副監

仁壽元年改都水臺爲監更名使者爲監罷國子學唯立太學一所置博士五人從五品學生七十二人

三年監門府又置門候一百二十人

煬帝即位多所改革三年定令品自第一至于第九唯

置正從而除上下階罷諸總管廢三師特進官分門下
太僕二司取殿內監名以爲殿內省并尚書門下內史
祕書以爲五省增置謁者司隸二臺并御史爲三臺分
太府寺爲少府監改內侍省爲長秋監國子學爲國子
監將作寺爲將作監并都水監總爲五監改左右衛爲
左右翊衛左右備身爲左右騎尉左右武衛依舊名改
領軍爲左右屯衛加置左右禦改左右武侯爲左右候
衛是爲十二衛又改領左右府爲左右備身府左右監

門依舊名凡十六府其朝之班序以品之高卑爲列品同則以省府爲前後省府同則以局署爲前後焉

尚書省六曹各侍郎一人以貳尚書之職又增左右丞階與六侍郎並正四品諸曹侍郎並改爲郎又改吏部爲選部郎戶部爲人部郎禮部爲儀曹郎兵部爲兵曹郎刑部爲憲部郎工部爲起部郎以異六侍郎之名廢諸司員外郎而每增置一曹郎各爲二員都司郎各一人品同曹郎掌都事之職以都事爲正八品分隸六尚

書諸司主事竝去令史之名其令史隨曹閑劇而置每
十令史置一主事不滿十者亦置一以其餘四省三臺
亦皆曰令史九寺五監諸衛府則皆曰府史後又改主
客郎爲司蕃郎尋又每減一郎置承務郎一人同員外
之職

舊都督已上至上柱國凡十一等及八郎八尉四十三
號將軍官皆罷之并省朝議大夫自一品至九品置光

祿

從一品

左右光祿

左正二品
右從二品

金紫

正三品

銀青光祿

從三品

正議

正四品

通議

從四品

朝請

正五品

朝散

從五品

等九大夫建

節

正六品

奮武

從六品

宣惠

正七品

綏德

從七品

懷仁

正八品

守義

從八品

奉誠

正九品

立信

從九品

等八尉以爲散職開皇中以

開府儀同三司爲四品散實官至是改爲從一品同漢

魏之制位次王公門下省減給事黃門侍郎員置二人

去給事之名移吏部給事郎名爲門下之職位次黃門

下置員四人從五品省讀奏案廢散騎常侍通直散騎

常侍諫議大夫散騎侍郎等常員改符璽監爲郎置員

二人爲從六品加錄事階爲正八品以城門殿內尚食
尚藥御府等五局隸殿內省十二年又改納言爲侍內
內史省減侍郎員爲二人減內史舍人員爲四人加置
起居舍人員二人從六品次舍人下改通事舍人員爲謁
者臺職減主書員置四人加爲正八品十二年改內史
爲內書

殿內省置監

正四品

少監

從四品

丞

從五品

各一人掌諸供奉

又有奉車都尉十二人掌進御輿馬統尚食尚藥尚衣

尚舍尚乘尚輦等六局各置奉御二人

正五品

皆置直長

以貳之

正七品

尚食直長六人又有食醫員尚藥直長四

人又有侍御醫醫司醫醫佐員尚衣即舊御府也改名之
有直長四人尚舍即舊殿中局也改名之有直長八人
尚乘局置左右六閑一左右飛黃閑二左右吉良閑三
左右龍媒閑四左右騊駼閑五左右馱馱閑六左右天
苑閑有直長十四人又有奉乘十人尚輦有直長四人
又有掌輦六人城門置校尉一人降爲正五品後又改

校尉爲城門郎置員四人

從六品

自殿內省隸爲門下省

官

祕書省降監爲從二品增置少監一人

從四品

增著作郎

階爲正五品減校書郎爲十人改太史局爲監進令階

爲從五品又減丞爲一人置司辰師八人增置監候爲

十人其後又改監少監爲令少令增祕書郎爲從五品

加置佐郎四人

從六品

以貳郎之職降著作郎階爲從五

品又置儒林郎十人

正七品

掌明經待問唯詔所使文林

郎二十人

從八品

掌撰錄文史檢討舊事此二郎皆上在

藩已來直司學士增校書郎員四十人加置楷書郎員

三十人

從九品

掌抄寫御書

御史臺增治書侍御史爲正五品省殿內御史員增監

察御史員十六人加階爲從七品開皇中御史直宿禁

中至是罷其制又置主簿錄事員各二人五年又降大

夫階爲正四品減治書侍御史爲從五品增侍御史爲

正七品爲掌侍從糾察其臺中簿領皆治書侍御史主

之後又增置御史從九品尋又省

謁者臺大夫一人

從四品五年
改爲正四品

掌受詔勞問出使慰撫

持節察授及受冤枉而申奏之駕出對御史引駕置司

朝謁者二人以貳之

從五品

屬官有丞一人主簿錄事各

一人等員又有通事謁者二十人

從六品

即內史通事舍

人之職也次有議郎二十四人通直三十六人將事謁

者三十人謁者七十人皆掌出使其後廢議郎通直將

事謁者謁者等員而置員外郎八十員尋詔門下內史

御史司隸謁者五司監受表以爲恒式不復專謁者矣

等又置散騎郎從五品二十人承議郎正六品通直郎從六品

品各三十人宣德郎正七品宣義郎從七品各四十人徵事

郎正八品將仕郎從八品常從郎正九品奉信郎從九品各五十

人是爲正員竝得祿當品又各有散員郎無員無祿尋改常從爲登仕奉信爲散從自散騎已下皆主出使量事大小據品以發之

司隸臺大夫一人正四品掌諸巡察別駕二人從五品分察

畿內一人案東都一人案京師刺史十四人

正六品

巡察

畿外諸郡從事四十人副刺史巡察其所掌六條一察

品官以上理正能不二察官人貪殘害政三察豪強姦

猾侵害下人及田宅踰制官司不能禁止者四察水旱

蟲災不以實言枉徵賦役及無災妄蠲免者五察部內

賊盜不能窮逐隱而不申者六察德行孝悌茂才異行

隱不貢者每年二月乘軺巡郡縣十月入奏置丞

從六品

主簿

從八品

錄事

從九品

各一人後又罷司隸臺而留司隸

從事之名不爲常員臨時選京官清明者權攝以行

光祿已下八寺卿皆降爲從三品少卿各加置二人爲
從四品諸寺上署令竝增爲正六品中署令爲從六品
下署令爲正七品始開皇中署司唯典掌受納至是署
令爲判首取二卿判丞唯知勾檢令闕丞判五年寺丞
竝增爲從五品

太常寺罷太祝署而留太祝員八人屬寺後又增爲十
人奉禮減置六人太廟署又置陰室丞守視陰室改樂

師爲正樂置十人太卜又省博士員置太卜卜正二十人
人以掌其事太醫又置醫監五人正十人罷衣冠清商
二署

太僕減驛騶署入殿內尚乘局改龍廐曰典廐署有左
右駁阜二廐加置主乘司庫司廩官罷牛羊署

大理寺丞改爲勾檢官增正員爲六人分判獄事置司
直十六人降爲從六品後加至二十人又置評事四十
八人掌頗同司直正九品

鴻臚寺改典客署爲典蕃署初煬帝置四方館於建國門外以待四方使者後罷之有事則置名隸鴻臚寺量事繁簡臨時損益東方曰東夷使者南方曰南蠻使者西方曰西戎使者北方曰北狄使者各一人掌其方國及互市事每使者署典護錄事叙職叙儀監府監置互市監及副參軍各一人錄事主綱紀叙職掌其貴賤立功合叙者叙儀掌小大次序監府掌其貢獻財貨監置掌安置其駝馬船車并糾察非違互市監及副掌互市

參軍事出入交易

司農但統上林太倉鈎盾導官四署罷典農華林二署
而以平準京市隸太府

太府寺既分爲少府監而但管京都市五署及平準左
右藏等凡八署京師東市曰都會西市曰利人東都東
市曰豐都南市曰大同北市曰通遠及改諸令爲監唯
市署曰令

國子監依舊置祭酒加置司業一人從四品丞三人加

爲從六品并置主簿錄事各一人國子學置博士正五
品助教從七品員各一人學生無常員太學博士助教
各二人學生五百人先是仁壽元年省國子祭酒博士
置太學博士員五人爲從五品總知學事至是太學博
士降爲從六品

將作監改大監少監爲大匠少匠丞加爲從六品統左
右校及甄官署五年又改大匠爲大監正四品少匠爲
少監正五品十三年又改監少監爲令少令丞加品至

從五品

少府監置監從三品少監從四品各一人丞從五品二人統左尚右尚內尚司織司染鎧甲弓弩掌冶等署復改監少監爲令少令併司織司染爲織染署廢鎧甲弓弩二署

都水監改爲使者增爲正五品丞爲從七品統舟楫河渠二署舟楫署每津置尉一人五年又改使者爲監四品加置少監爲五品後又改監少監爲令從三品少令

從四品

長秋監置令一人正四品少令一人從五品丞二人正
七品並用士人改內常侍爲內承奉置二人正五品給
事爲內承直置四人從五品並用宦者罷內謁者官領
掖庭宮闈奚官等三署並參用士人後又置內謁者員
十二衛各置大將軍一人將軍二人總府事并統諸鷹
揚府改驃騎爲鷹揚郎將正五品車騎爲鷹揚副郎將
從五品大都督爲校尉帥都督爲旅帥都督爲隊正增

置隊副以貳之改三衛爲三侍其直閤將軍直寢奉車
都尉駙馬都尉直齋別將統軍軍主幢主之屬竝廢以
武侯府司辰師員隸爲太史局官其軍士左右衛所領
名爲驍騎左右驍衛所領名豹騎左右武衛所領名熊
渠左右屯衛所領名羽林左右禦衛所領名射聲左右
候衛所領名攸飛而總號衛士每衛置護軍四人掌副
貳將軍將軍無則一人攝尋改護軍爲武賁郎將正四
品而置武牙郎將六人副焉從四品諸衛皆置長史從

五品又有錄事參軍司倉兵騎鎧等員翊衛又加有親侍鷹揚府每府置鷹揚郎將一人正五品副鷹揚郎將一人從五品各有司馬及兵倉兩司其府領親勳武三侍非翊衛府皆無三侍鷹揚每府置越騎校尉二人掌騎士步兵校尉二人領步兵竝正六品外軍鷹揚官竝同左右候衛增置察非掾二人專糾彈之事五年又改副郎將竝爲鷹擊郎將

左右領左右府改爲左右備身府各置備身郎將一人

又各置直齋二人以貳之並正四品掌侍衛左右統千

牛左右司射左右各十六人並正六品

千牛掌執千牛
刀宿衛司射掌

供御
弓箭

置長史正六品錄事司兵倉騎參軍等員並正八

品有折衝郎將各三人正四品掌領驍果又各置果毅

郎將以領之以貳之從四品其驍果置左右雄武府雄

武郎將以領之以武勇郎將爲副員同鷹揚鷹擊有司

兵司騎二局並置參軍事左右監門府改將軍爲郎將

各置一人正四品直閣各六人正五品置官屬並同備

身府又增左右門尉員一百二十人正六品置門候員二百四十人正七品竝分掌門禁守衛

門下坊減內舍人洗馬員各置二人減侍醫置二人改門大夫爲宮門監正字爲正書

典書坊改太子舍人爲管記舍人減置四人改通事舍人爲宣令舍人爲八員家令改爲司府令內坊承直改爲典直

左右衛率改爲左右侍率正四品改親衛爲功曹勳衛

爲義曹翊衛爲良曹罷直齋直閣員

左右宗衛率改爲左右武侍率正四品

左右虞候開府改爲左右虞候率正四品并置副率

左右內率降爲正五品千牛備身改爲司仗左右備身

左右改爲主射左右各員八人

左右監門率改爲宮門將降爲正五品監門直長改爲直事置六十人

開皇中置國王郡王國公郡公縣公侯伯子男爲九等

者至是唯留王公侯三等餘並廢之

王府諸司參軍更名諸司屬參軍則直以屬爲名改國令爲家令自餘以國爲名者皆去之

行宮所在皆立總監以司之上宮正五品中宮從五品下宮正七品隴右諸牧置左右牧監各一人以司統之
罷州置郡郡置太守上郡從三品中郡正四品下郡從四品京兆河南則俱爲尹並正三品罷長史司馬置贊

務一人以貳之

京兆河南從四品上郡正五品中郡從五品下郡正六品

次置東西

曹掾

京兆河南從五品上郡正六品中郡從六品下郡正七品

主簿司功倉戶兵法

士曹等書佐各因郡之大小而爲增減改行參軍爲行

書佐舊有兵處則刺史帶諸軍事以統之至是別置都

尉副都尉都尉正四品領兵與郡不相知副都尉正五

品又置京輔都尉從三品立府於潼關主兵領邊并置

副都尉從四品又置諸防主副官掌同諸鎮大興長安

河南洛陽四縣令並增爲正五品諸縣皆以所管閑劇

及衝要以爲等級丞主簿如故其後諸郡各加置通守

一人位次太守京兆河南則謂之內史又改郡贊務爲
丞位在通守下縣尉爲縣正尋改正爲戶曹法曹分司
以丞郡之六司河南洛陽長安大興則加置功曹而爲
三司司各二人郡縣佛寺改爲道場道觀改爲玄壇各
置監丞京都諸坊改爲里皆省除里司官以主其事帝
自三年定令之後驟有制置制置未久隨復改易其餘
不可備知者蓋史之闕文云

隋書卷二十八

欽定四庫全書薈要卷四千六百七十三

史部

隋書卷二十九

唐太尉揚州都督監修國史上柱國趙國公臣長孫無忌等撰

志第二十四

地理上

自古聖王之受命也莫不體國經野以爲人極上應躔
次下裂山河分疆畫界建都錫社是以放勛御厯修職
貢者九州文命會同執玉帛者萬國洎乎殷遷夏鼎周

黜殷命雖質文之用不同損益之途或革而封建之制
率由舊章於是分土惟三列爵惟五千里以制畿甸九
服以別要荒十國爲連連有帥倍連爲卒卒有正皆所
以式固鴻基蕃屏王室興邦致化康俗庇人者歟周德
既衰諸侯力政干戈日用戎馬生郊彊陵弱衆暴寡魯
滅於楚鄭滅於韓田氏篡齊六卿分晉其餘弑君亡國
不得守其社稷者不可勝數逮于七雄競逐二帝爭彊
疆場之事一彼一此秦始皇據百二之巖險奮六世之

餘烈力爭天下蠶食諸侯在位二十餘年遂乃削平寓
內懲周氏之微弱恃狙詐以爲彊蔑棄經典罷侯置守
子弟無立錐之地功臣無尺土之賞身沒而區宇幅裂
及子而社稷淪胥漢高祖挺神武之宏圖掃清禍亂矯
秦皇之失策封建王侯並跨州連邑有踰古典而郡縣
之制無改於秦逮于孝武務勤遠略南兼兩越東定三
韓通邛笮之險塗斷匈奴之右臂雖聲教遠洎而人亦
勞止昭宣之後罷戰務農戶口既其滋多郡縣亦有增

置至于平帝郡國一百有三戶一千二十三萬光武中興承王莽之餘弊兵戈不戢饑疫荐臻率土遺黎十纔一二乃併省郡縣四百餘所明章之後漸至滋繁郡縣之數有加曩日逮炎靈數盡三國爭彊兵革屢興戶口減半有晉太康之後文軌方同大抵編戶二百六十餘萬尋而五胡逆亂二帝播遷東晉泊于宋齊僻陋江左苻姚之與劉石竊據中原事跡糾紛難可具紀梁武帝除暴寧亂奄有舊吳天監十年有州二十三郡三百五

十縣千二十二其後務恢境宇頻事經略開拓閩越克復淮浦平俚洞破牂牁又以舊州遐闊多有析置大同年中州一百七郡縣亦稱於此既而侯景構禍臺城淪陷墳籍散逸注記無遺郡縣戶口不能詳究逮于陳氏土宇彌蹙西亡蜀漢北喪淮肥威力所加不出荆揚之域州有七十二郡唯一百九縣四百三十八戶六十萬後齊承魏末喪亂與周人抗衡雖開拓淮南而郡縣僻小天保之末總加併省洎乎國滅州九十有七郡一百

六十縣三百六十五戶三萬周氏初有關中百度
草創遂乃訓兵教戰務穀勸農南清江漢西兼巴蜀卒
能以寡擊衆戡定疆鄰及于東夏削平多有省廢大象
二年通計州二百一十一郡五百八縣一千一百二十
四高祖受終惟新朝政開皇三年遂廢諸郡洎于九載
廓定江表尋以戶口滋多析置州縣煬帝嗣位又平林
邑更置三州既而併省諸州尋即改州爲郡乃置司隸
刺史分部巡察五年平定吐谷渾更置四郡大凡郡一

百九十縣二千二百五十五戶八萬九千七百七十五
四十六口四千六百一萬九千九百五十六墾田五千
五百八十五萬四千四十一頃其邑居道路山河溝洫
沙磧鹹鹵丘陵阡陌皆不預焉東西九千三百里南北
萬四千八百一十五里東南皆至於海西至且末北至
五原隋氏之盛極於此也

京兆郡

開皇三年置雍州城東西十八里一百一十五步南北十五里一百七十五步東面通化春明

延興三門南面啓夏明德安化三門西面延平金光開
遠三門北面光化一門里一百六市二大業三年改州

爲郡故名
統縣二十二戶三十萬八千四百九十九〇

大興

開皇三年置後周舊郡置縣曰萬年高祖龍潛封號大興故至是改焉有長樂宮有後魏杜城縣西

霸城縣西魏山

長安

帶郡有仙都福陽太平等宮有關官有舊長安城

始平

故

北縣並後周廢

扶風郡開皇

武功

後周置武功郡建德中郡廢有永豐渠普濟渠

藍屋

後周置

及恒州又有倉城溫湯二縣尋並廢有司竹園有宜

壽仙遊文山鳳皇等宮有關官有太一山有溫湯

醴

泉

後魏曰寧夷西魏置寧夷郡後周改爲秦郡後廢又以新時甘泉二縣入焉開皇十八年改縣名醴泉有

甘泉水波水浪水有九峻山溫秀嶺

上宜

開皇十七年置有舊莫西縣十八年改名好時大業二年廢入

馮鄆有甘泉宮有終

藍田

後周置藍田郡尋廢郡及白鹿玉山二縣入焉有關官有

滋水
新豐 有溫湯
華原 後魏置北雍州西魏改爲宜州又置北地郡尋改爲通川郡開皇初郡廢

大業初州廢及土門
縣入焉有沮水頻山
宜君 舊置宜君郡開皇初郡廢有清水
同官 **鄭**

後魏置東雍州并華山郡西魏改曰華
州開皇初郡廢大業初州廢有少華山
渭南 後魏置渭南郡西魏

分置靈源中源二縣後周郡
及二縣並廢入焉有步壽宮
萬年 **高陵** 後魏曰高陵大業初改焉

三原 後周置建忠郡建德初郡廢
涇陽 舊置咸陽縣開皇初廢有茂農渠
雲陽 舊置

置雲陽郡開皇初郡廢有
涇水五龍水甘水走馬水
富平 舊置北地郡後周改曰中華郡尋罷有荆山

華陰 有興德宮有關官有京輔都尉有白渠有華山

馮翊郡 後魏置華州西
魏改曰同州
統縣 **八戶九萬一千五百七十**

二〇馮翊

後魏曰華陰西魏改名馮翊置武鄉郡開皇初郡廢大業初改名馮翊置馮翊郡有沙苑

韓城

開皇十八年置有關官有梁山有鬼谷

邵陽

朝邑

後魏曰南五泉西魏改焉有長

春宮有關官有朝坂

澄城

後魏置澄城郡後周併五泉縣入焉開皇初郡廢

蒲城

舊置南北二白

水西魏改為蒲城置白水郡開皇初郡廢

下邳

舊置延壽郡開皇初郡廢大業初併蓮勺縣入焉有金氏

陂白水

有五龍山馬蘭山

扶風郡

舊置岐州

統縣九戶九萬二千二百二十三〇雍

後魏

置秦平郡西魏改為岐山郡開皇三年郡廢大業初置扶風郡有岐陽宮

岐山

後周曰三龍縣開皇十六

年改名焉又有後魏周城縣後周廢有岐山

陳倉

後魏曰宛川西魏改曰陳倉後周置顯州尋州縣俱

廢開皇十八年置曰陳後魏置武都郡西魏改縣曰倉有陳倉山有關官號洛邑後周置朔州尋廢郡

開皇初廢大業舊曰平陽縣西魏改曰郟城後周廢初改縣為號郟入周城縣開皇十八年改周城為渭

濱大業二年改為郟又後周置雲州建德中廢有安仁宮鳳泉宮有太白山五丈原晉閏大業初

壽宮有漆水岐水杜水汧源西魏置隴東郡及汧陰縣後改縣曰

五年縣改曰汧源又有西魏東秦州後改為隴州大業三年州廢有關官有隴山汧山汧水汧陽舊

汧陽郡後周罷南由後魏置西魏改為鎮後周復置縣又有

安定郡舊置涇州統縣七戶七萬六千二百八十一○安定

帶舊置趙平郡後周廢郡并以宜祿縣郡鶉觚入焉大業初分置靈臺縣二年廢陰盤後魏

欽定四庫全書 隋書 六一

凉郡開皇初郡廢有盧水朝那西魏置安武郡及析置安武良原大

初臨涇大業初置初曰華亭大業初置有隴水芮水

北地郡後魏置幽州西魏改為統縣六戶七萬六百九

十○定安舊置趙興郡開皇初郡羅川舊曰陽周開皇

置顯州後周廢有橋山彭原舊曰彭陽後魏置西北地郡有洛蟠

後周二州並廢開皇初郡廢十襄樂後魏置襄樂郡後

八年改縣曰彭原有珊瑚水周廢又西魏置燕

州後周廢又新平舊曰白土西魏置幽州開皇四三水

西魏置恒州尋廢

上郡

後魏置東秦州後改為北華州西魏改為
敷州大業二年改為廊城郡後改為上郡

統縣五

戶五萬三千四百八十九○洛交

開皇三年置大業三年置上郡

內部

舊置敷州及內部郡開皇

三年郡廢大業初州廢

三川

舊名長城西魏改為又有利仁縣尋廢入焉

廊城

後魏曰敷城大業初改為焉

洛川

有廊水

雕陰郡

西魏置綏州大業初改為上州

統縣十一戶三萬六千一十八

○上縣

西魏置安寧郡與安寧綏德安人三縣同置開皇初郡廢改安人為吉萬大業初置雕陰郡廢

安寧吉萬二縣入又後周置義良縣亦廢入焉

大斌

西魏置仍立安政郡開皇初廢有平水

延福

西魏置曰延陵開皇中改為焉

儒林

後周置銀州開皇三年改名焉大業初州廢

真鄉

西魏置後

周置真鄉郡
開皇初郡廢
開光舊置開光郡開皇三年郡廢有固水
銀城後周置曰石城後改名焉

城平

西魏置

開疆

西魏置有後魏撫寧郡開皇三年郡廢

撫寧

西魏置

綏德

西魏

置

延安郡

後魏置東夏州西魏改為延州置總管府開皇中府廢

統縣十一戶五萬

三千九百三十九○膚施

大業三年置及置延安郡有豐林山

豐林

後魏置曰

廣武及徧城郡開皇初郡廢十八年改為豐林大業初又併沃野縣入焉
魏平後魏置并立朔方郡後周

廢郡併朔方和政二縣入焉

金明

有治官有清水

臨真

有西魏神木郡真川縣後周郡廢大業初

廢真川入焉

延川

西魏置曰文安及置文安郡開皇初郡廢改縣為延川

延安

西魏置又置義

鄉縣大業中
廢義鄉入焉
因城後魏置後周廢尋又置
義川西魏置汾州義川郡後改州爲丹州

後周改縣爲丹陽開皇初郡廢改縣曰義川又
廢樂川郡入大業初州廢又廢雲巖縣入焉
汾川舊

安平後周改曰汾川大
業初廢門山縣入焉
咸寧舊曰永寧西魏改爲太平開皇中改爲咸寧

弘化郡西魏置朔州後周廢
開皇十六年置慶州
統縣七戶五萬二千四百

七十三〇合水開皇十六年置大業初置弘化郡
馬嶺大業初置
華池仁壽初置

又西魏置蔚
州後周廢
歸德西魏置恒州後周廢有雕水
洛源大業初置有博水洱水
弘

化開皇十八年置弘
州大業初州廢
弘德大業初置

平涼郡舊置原州後周置總管府大業初府廢
統縣五戶二萬七千九百

九十五○平高

後魏置太平郡後改為平高開皇初郡廢大業初置平涼郡有關官有斧頭山

百泉

後魏置長城郡及黃石縣西魏改黃石為長城開皇初郡廢大業初縣改為百泉

平涼

後周

置有可藍山

會寧

西魏置會州後周廢開皇十六年置縣

默亭

朔方郡

後魏置夏州後周置總管府大業初府廢

統縣三戶一萬一千六百

七十三○巖綠

西魏置弘化郡開皇初廢大業初置朔方郡

寧朔

後周置

長澤

西魏置闡熙郡又有後魏大安郡及置長州開皇三年郡廢又廢山鹿新固二縣入焉大業三年州廢

鹽川郡

西魏置西安州後改為鹽州

統縣一戶三千七百六十三○

五原

後魏置郡曰大興西魏改為五原後又為大興開皇初郡廢大業初置鹽川郡

靈武郡

後魏置靈州後周置總管府大業元年府廢

統縣六戶一萬二千三

百三十〇迴樂

後周置帶普樂郡又西魏置臨河郡開皇元年改臨河郡曰新昌三年郡並廢

大業初置

靈武郡

弘靜

開皇十一年置有賀蘭山

懷遠

後周置仍立懷遠郡開皇三年郡廢

靈

武

後周置曰建安後又置厯城郡開皇三年郡廢十八年改建安爲廣閏仁壽元年改名焉

鳴沙

後

置會州尋廢開皇十九年置環州又鳴沙縣大業三年州廢有關官

豐安

開皇十年置

榆林郡

開皇二十年置勝州

統縣三戶二千三百三十〇榆林

開皇

六年置大業初置郡

富昌

開皇十年置

金河

開皇三年置曰陽壽及置油雲縣又置榆關總管五

年改置雲州總管十八年改陽壽曰金河二十年雲州移二縣俱廢仁壽二年又置金河縣帶關

五原郡

開皇五年置豐州仁壽元年
置總管府大業元年府廢

統縣三戶二千三

百三十〇九原

開皇五年置
大業初置郡

永豐

開皇五
年置

安化

開皇十
一年置

天水郡

舊秦州後周置總
管府大業初府廢

統縣六戶五萬二千一百三

十〇上邽

故曰上邽帶天水郡開皇初郡廢
大業初復置郡縣改名焉有濛水

冀城

後周
曰冀

城縣廢入黃瓜縣大業
初改曰冀城有石鼓崖

清水

後魏置及置清水郡開皇
初郡廢有關官有分水嶺

秦嶺

後魏置曰伯陽
縣開皇中改焉

隴城

舊曰略陽置略陽郡開皇二
年郡廢縣改曰河陽六年改

曰隴城

成紀

舊廢後周置有
龍馬城仙人碇

隴西郡

舊渭
州

統縣五戶一萬九千二百四十七〇襄武

帶郡隴西舊城內陶置南安郡開皇初郡廢改爲武陽十年改名焉渭源有鳥鼠山障

後魏置西魏置廣長川後魏置安陽郡領安陽烏水二縣西魏改曰北秦州後又改曰

安陽後周郡廢交州開皇三年郡廢十八年改州曰紀州安陽曰長川大業初州廢又廢烏水入焉

金城郡開皇初置蘭州總管府大業初府廢統縣二戶六千八百一十八

○金城舊縣曰子城帶金城郡開皇初郡廢大業初改縣爲金城置金城郡有關官狄道後魏

置臨洮郡龍城縣後周皆廢又後魏置武始郡開皇初廢有白石山

枹罕郡舊置統縣四戶一萬三千一百五十七○枹罕

舊置枹罕郡開皇初郡廢大業初置郡有關官有鳳林山龍支後魏曰北金城西魏改焉有唐述山大

夏

有金山紐山

水池

後魏曰覃川後周改焉

澆河郡

後周武帝逐吐谷渾以置廓州總管府開皇初府廢

統縣二戶二千二百

四十〇河津

後周置洮河郡領洮河廣威安戎三縣開皇初郡廢併三縣入焉大業初置澆河郡

有濫達化

後周置達化郡開皇初郡廢併綏遠縣入焉有連雲山水

西平郡

舊置鄯州

統縣二戶三千一百一十八〇湟水

舊曰西都

後周置樂都郡開皇初郡廢十八年改縣曰湟水又有舊浩疊縣又西魏置龍居路倉二縣並後周廢大業初

置西平郡有土樓山

化隆

舊魏曰廣威西魏置澆河郡後周廢郡仁壽初改爲化隆有拔延山湟水盧水

武威郡

舊置涼州後周置總管府大業初府廢

統縣四戶一萬一千七百

五〇姑臧

舊置武威郡開皇初郡廢大業初復置武威郡又後魏置武安郡襄武縣並西魏廢又舊

有顯美縣後周廢有茅五山

昌松

後魏置昌松郡後周廢郡以榆次縣入開皇初改縣爲永世後改曰

昌松又有後魏魏安郡後周改置白山縣尋廢有白山

番和

後魏置番和郡後周郡廢置鎮開皇中爲

縣又併力乾安寧廣城障燕支五縣之地入焉有燕支山

允吾

後魏置曰廣武及置廣武郡開皇初郡廢

改縣曰邑次尋改爲廣武後又改爲邑次大業初改爲允吾有青巖山

張掖郡

西魏置西涼州尋改曰甘州

統縣三戶六千一百二十六〇

張掖

舊曰永平縣後周置張掖郡開皇初郡廢十七年縣改爲酒泉大業初改爲張掖置張掖郡又有臨

松縣後周廢有甘峻山臨松山合黎山有玉石澗大柳谷

刪丹

後魏曰山丹又有西郡永寧縣西魏郡廢

縣改爲弱水後周省入山丹大業改爲剛丹又後

周置金山縣尋廢入焉有祀山有鹽池有弱水

福祿

舊置酒泉郡開皇初郡廢仁壽中以置肅州大業初州

尋廢又後周置樂涇縣尋廢有祁連山崆峒山崑崙山

有石

渠

敦煌郡

舊置瓜州

統縣三戶七千七百七十九

○敦煌
舊置敦煌

郡後周併效穀壽皇二郡入焉又併敦煌鳴沙平康效

穀東鄉龍勤六縣爲鳴沙縣開皇初郡廢大業置敦煌

郡改鳴沙爲敦煌有神

常樂

後魏置常樂郡後周併涼興大至冥安閏泉合爲涼

興縣開皇初郡廢縣

玉門

後魏置會稽郡後周廢郡併改爲常樂有關官會稽新鄉延興爲會稽縣開

皇中改爲玉門併

得後魏玉門郡地

鄯善郡

大業五年平吐谷渾置在鄯善城即古樓蘭城也并置且末西海河源總四郡有蒲昌海鄯

善水 統縣二 顯武 濟遠

且末郡

置在古且末城有且末水薩毗澤

統縣二

肅寧

伏戎

西海郡

置在古伏俟城即吐谷渾國都有西王母石窟青海鹽池

統縣二

宣德

威定

河源郡

置在古赤水城有曼頭城積石山河所出有七烏海

統縣二

遠化

赤

水

周禮職方氏正西曰雍州上當天文自東井十度至柳

八度爲鶉首於辰在未得秦之分野考其舊俗前史言之詳矣化於姬德則闢田而興讓習於嬴敝則相稽而反脣斯豈土壤之殊乎亦政教之移人也京兆王都所在俗具五方人物混淆華戎雜錯去農從商爭朝夕之利游手爲事競錐刀之末貴者崇侈靡賤者薄仁義豪彊者縱橫貧窶者窘蹙桴鼓屢驚盜賊不禁此乃古今之所同焉自京城至於外郡得馮翊扶風是漢之三輔其風大抵與京師不異安定北地上郡隴西天水金城

於古爲六郡之地其人性猶質直然尚儉約習仁義勤
於稼穡多畜牧無復寇盜矣雕陰延安弘化連接山胡
性多木彊皆女淫而婦貞蓋俗然也平涼朔方鹽川靈
武榆林五原地接邊荒多尚武節亦習俗然焉河西諸
郡其風頗同並有金方之氣矣

漢川郡

舊置梁州

統縣八戶一萬一千九百一十〇南鄭

舊置

漢川郡開皇初郡廢大業初置郡又西魏

西

舊曰蟠冢大業初改

焉有關官有定軍山百牢山街亭山蟠冢山有漢水

襄城

開皇初曰襄內仁壽九年因失印更給改名焉

有闕官有女郎山

城固

興勢

舊置儻成郡開皇初郡廢

西鄉

舊曰豐寧置洋州及洋川

郡開皇初廢郡大業初廢州改縣曰西鄉又舊有懷昌郡後周廢爲懷昌縣至是入焉有洋水

黃金

難江

後周置集州及平桑郡開皇初郡廢大業初州廢

西城郡

梁置梁州尋改曰南梁州西魏改置東梁州尋改爲金州置總管府開皇初府廢

統縣

六戶一萬四千三百四十一〇金川

梁初曰上廉後曰吉陽西魏改曰吉

安後周以西城入焉舊有金城吉安二郡開皇初並廢十八年改縣爲吉安大業三年改曰金川置西城郡又

後周置洵州尋廢有焦陵山

石泉

舊曰永樂置晉昌郡西魏改郡曰魏昌尋改永樂曰石泉析置魏寧

縣後周省魏昌郡入中城郡又省魏寧縣入石泉縣

洵陽

舊置洵陽郡開皇初郡廢有洵水

安康

舊曰寧都齊置安康郡後魏置東梁州後蕭詧
改直州開皇初郡廢大業初州廢縣改曰安康

黃土

西魏

置洧陽郡後周改郡置縣曰長岡後郡省入甲郡置

豐

利

梁置南上洛郡西魏改郡曰豐利後周省郡入上津
郡以熊川陽川二縣入豐利後又廢上津郡入甲郡

有天
心水

房陵郡

西魏置光遷國後周國廢
置遷州大業初改名房州

統縣四戶七千一百

六〇光遷

舊曰房陵置新城郡梁末置岐州後周郡縣
並改爲光遷又有舊綏州開皇初與郡並廢

大業初置房陵郡有房山霍水

永清

舊曰大洪後周改焉有照
珠山百武山沮水汎水

竹山

梁曰

安城西魏改焉置羅州開皇十八年改
曰房州大業初州廢有花林山懸鼓山

上庸

梁曰新豐
西魏改焉

後周改曰孔陽開皇十八年復曰上庸

清化郡

舊置巴州

統縣十四戶一萬六千五百三十九〇化

成

梁曰梁廣仍置歸化郡後周改縣曰化成開皇初郡廢大業初置清化郡

曾口

梁置清化

曰伏疆有木門郡開皇三年郡廢七年縣改曰清化有伏疆山清水

盤道

梁置曰難江西魏改焉有龍腹

山永穆

梁置曰永康又有萬榮郡開皇初郡廢十八年縣改名焉

歸仁

梁置曰平州縣後周改曰

同昌開皇中改名焉始寧

梁置并置遂寧郡開皇初郡廢有始寧山

其章

梁置恩陽

陽開皇未改

長池

後周置曰曲細開皇未改焉

符陽

舊置其章郡開皇初廢

白石

有文

山安固

梁置後周置蓬州大業初州廢有大蓬山

伏虞

梁置曰宣漢及置伏虞郡開皇初郡廢十

八年
改焉

通川郡

梁置萬州西魏曰通川

統縣七戶一萬二千六百二十四

○通川

梁曰石城置東關郡開皇初郡廢大業初置通川郡

三岡

梁置屬新安郡西魏改郡曰新

寧開皇

石鼓

西魏置遷州後周廢州置臨清郡開皇初廢郡

東鄉

西魏置石州後周廢州置

三巴郡開皇

宣漢

西魏置并州及永昌郡開皇三年郡廢五年州廢

西流

後魏曰漢興西

魏改焉又置開州及周安萬安江會三郡後周省江會入周安開皇初郡並廢大業初州廢

萬世

後周

置及置萬世郡開皇初郡廢

宕渠郡

梁置渠州

統縣六戶一萬四千三十五○流江

後魏置縣

及置流江郡開皇初郡廢大業初置宕渠郡

賓城

舊曰始安開皇十八年改焉

鄰水

梁置縣并

置鄰州後魏改鄰山郡開皇初郡廢

宕渠

梁置并置境陽郡開皇初郡廢

咸安

梁置曰綏安開皇末

改名

墊江

西魏置縣及容川容山郡後周改焉魏安縣開皇初郡廢十八年縣改名焉

漢陽郡

後魏曰南秦州西魏曰成州

統縣三戶一萬九百八十五〇

上祿

舊置仇池郡後魏置倉泉縣後周廢階陵豐川建平城階四縣入焉開皇初郡廢大業初置漢陽郡

改縣曰上祿有百頃堆

潭水

西魏置潭水郡後周郡廢并廢甘若相山武定三縣入焉

長道

後魏

置漢陽郡後周郡廢又省水南縣入焉開皇初郡廢十八年改曰長道

臨洮郡

後周武帝逐吐谷渾以置洮陽郡尋立洮州開皇初郡廢

統縣十一戶二萬

八千九百七十一〇美相

後周置縣及置洮陽郡開皇初郡廢併洮陽縣入焉大業

初置臨

疊川

後周置疊州疊川縣開皇四年置總管府大業元年府廢有洮水流水

合川

洮郡

後周置仍立西疆郡開

樂川

後周置

歸政

開皇二年置仍立疆澤郡三年

廢又後周立弘州及開遠河濱二郡開皇初州郡並廢

洮源

後周置曰金城并立旭州又置通義郡開

皇初郡廢十八年縣改爲美

洮陽

後周置曰廣思并置廣思郡開皇初郡廢

俗大業初州廢縣改名焉

仁壽元年改縣爲洮

臨潭

後周曰汎潭開皇十一年改名焉

臨洮

西魏置曰

溢樂并置岷州及同和郡開皇初郡廢大業初州廢更名縣曰臨洮又後周置祐川郡基城縣尋郡縣俱廢有

岷山崆

當夷

後周置又立洪和郡郡尋廢又置博陵郡及博陵寧人二縣開皇初併入

和政

後周置兆
城郡尋廢

宕昌郡

後周置宕昌國天和元年置宕州總管府開皇四年府廢

統縣三戶六千九

百九十六○良恭

後周置初曰陽宕置宕昌郡開皇初郡廢十八年改名焉大業初置宕昌

郡

和戎

後周置有良恭山

懷道

後周置甘松郡開皇初郡廢

武都郡

西魏置武州

統縣七戶一萬七百八十○將利

舊曰石門

西魏改曰安育後周改曰將利置武都郡後改曰永都郡開皇初郡廢大業初置武都郡又有東平縣後周併

入焉有**建威**

後魏置白水郡後廢改為白水縣西魏復立郡改為緄戎後周郡廢改為建威縣并

廢洪化縣入焉又西魏有孔堤郡及縣後周並廢

覆津

後魏初曰翫當置武階郡西魏又置覆津縣及

置萬郡統赤方接難五部三縣後周一郡三
縣并翫當並廢入焉開皇初武階郡又廢
盤堤西魏置曰

南五部縣後改名焉并立武陽郡
及茹蘆縣後周郡廢縣并入焉
長松西魏置初曰建昌置文州及盧

北郡開皇初郡廢十八年
縣改曰長松大業初州廢
曲水西魏置
正西西魏置

同昌郡西魏逐吐谷渾置鄧州
開皇七年改曰扶州
統縣八戶一萬二千二

百四十八〇尚安西魏置縣及鄧寧郡開皇初郡廢
大業初置同昌郡有黑水
鉗川

西魏置有鉗
川山有白水
帖夷西魏置又置昌寧郡開皇三年郡廢
同昌西魏置有鄧至山云鄧艾

所至故
名焉
嘉誠後周置縣并龍涸郡及扶州總管府開皇初
封

德後魏置又立芳州有深泉郡開皇初
郡廢又省理定縣入焉大業初州廢
常芬後周置及立恒香郡

欽定四庫全書
隋書
十七

開皇初郡
廢有弱水
金崖
後周置

河池郡
後魏置南岐州
後周改曰鳳州
統縣四戶一萬一千二百二〇

梁泉
舊曰故道後魏置郡曰固道縣曰涼泉尋改曰梁泉
西魏改郡曰歸真後周廢郡又廢龍安商樂二

縣入大業
初置郡
兩當
後魏置及立兩當
郡開皇初郡廢
河池
後魏曰廣化并置廣化郡開皇

初郡廢仁壽初縣改名焉又後魏
置思安縣大業初省入有河池水
同谷
舊曰白石置廣業郡西魏改曰

同谷後周置康州開皇初郡廢大業初州廢又有泥陽縣西魏廢

順政郡
後魏置東益州梁為武興蕃王國西魏改為興州
統縣四戶四千二百

六十一〇順政
舊曰略陽西魏置郡曰順政縣曰漢曲又置仇池縣後改曰靈道開皇初郡廢

十八年縣改名焉大業初
置郡又省靈道縣併入

鳴水

西魏置曰落叢并置落
叢郡開皇初郡廢六年

縣改爲厨北八
年改曰鳴水

長舉

西魏置又立盤頭郡
後周廢郡有鳳溪水

修城

舊置修
城郡縣

曰廣長後周郡廢又廢下阪縣入仁壽
初縣改名焉又西魏置柏樹縣後周廢

義城郡

後魏立益州世號小益州梁曰黎州西魏復
曰益州又改曰利州置總管府大業初府廢

統

縣七戶一萬五千九百五十〇緜谷

舊曰興安置晉壽
郡開皇初郡廢十

八年縣改名焉大業初置郡又有華
陽郡梁置華州西魏並廢有龍門山

益昌

義城

西魏
置

葭萌

後魏曰晉安置新巴郡開皇初郡廢十八
年縣改名焉大業初又併恩金縣入焉

岐坪

景谷

舊曰白水置平興郡後周省東洛郡入開皇初郡
廢縣改名平興十八年改曰景谷大業初又省魚

盤縣入焉有關官有木
馬山良珠山有凍水

嘉川 舊置宋熙郡
開皇初廢

平武郡

西魏置
龍州

統縣四戶五千四百二十〇江油

後魏置

油郡開皇三年郡廢

馬盤

後魏置馬盤郡
開皇三年郡廢

平武

梁末李
文智自

立為藩王西魏廢
為縣有涪水潺水

方維

舊曰秦興置建陽郡開
皇初郡廢縣改名焉

汶山郡

後周置汶州開皇初改曰蜀州尋
為會州置總管府大業初府廢

統縣十一戶

二萬四千一百五十九〇汶山

舊曰廣陽梁改為北部
都尉置繩州北部郡後

周改曰汶州開皇初郡
廢仁壽元年改名焉

北川

後周置有龍泉水
鴈門山襄陽山

汶川

後

置汝山郡開
皇初郡廢

交川

開皇初置
有關官

通化

開皇初置曰金川
仁壽初改名焉

左

封

後周置曰廣年及置廣年郡左封郡開皇初郡並廢
仁壽初縣改名焉又周置翼州大業初廢有汶山

平康

後周置有
羊腸山

翼水

後周置曰龍求及置清江郡開皇
初郡廢縣改曰清江十八年又改

名翼針

後周置及翼針郡開
皇初郡廢有石鏡山

江源

後周
置

通軌

後周置縣
及覃州并

覃川榮鄉二郡開皇初郡
廢四年州廢有甘松山

普安郡

梁置南梁州後改爲
安州西魏改爲始州

統縣七戶三萬一千三百

五十一〇普安

舊曰南安西魏改曰普安置普安
郡開皇初郡廢大業初置郡焉

永歸

舊曰白水
西魏改焉

黃安

舊曰華陽西魏改焉又
置黃原郡開皇初郡廢

陰平

宋置北陰
平郡魏置

龍州西魏改郡爲陰平又名縣焉後周從
江油郡改曰靜龍縣曰陰平開皇初郡廢

梓潼

舊曰安
壽西魏

置潼州郡開皇初郡廢大武連舊曰武功置輔劍郡西

業初縣改名焉有五婦山魏改郡曰安都縣曰武

連開皇初郡廢臨津舊曰胡原開皇七年改焉

金山郡西魏置潼州開皇五年改曰絳州統縣七戶三萬六千九百六

十三〇巴西舊曰涪置巴西郡西魏改縣曰巴西開皇初郡廢大業初置金山郡有鹽井昌

隆有雲臺山涪城舊置始平郡西魏改郡為涪城後周又改曰安城開皇初郡廢改縣曰安城十六年

改為魏城西魏置萬安郡開皇初郡廢神泉舊曰涪城

國開皇六年改名焉金山舊置益昌晉興二縣西魏省晉興入益昌後周別置金山開皇四年省益昌入

金山

新城郡

皇末置新州開

梓州統縣五戶三萬七百二十七〇

鄭

舊曰伍城西魏改曰昌城仍置昌城郡開皇初郡廢大業初置新城郡改縣名焉

射洪

西魏置曰

射江後周改名焉

鹽亭

西魏置鹽亭郡開皇初郡廢有高渠縣大業初併入焉

通泉

舊曰通泉

置西宕渠郡西魏改郡縣俱曰湧泉開皇初郡廢縣改名又併光漢縣入焉

飛鳥

開皇中置

巴西郡

梁置南梁北巴西魏置隆州

統縣十戶四萬一千六百四〇

閬內

梁置北巴西郡後魏平蜀置盤龍郡開皇初郡廢大業初置巴西郡有盤龍山天柱山靈山

南部

舊曰南充國梁曰南部西魏置新安郡後周郡廢

蒼溪

舊曰漢昌開皇末改名焉

南充

舊曰安漢

置宕渠郡開皇初郡廢十八年縣改名焉

相如

梁置梓潼郡後魏郡廢西水

曰金遷開晉城舊曰西充國梁置木蘭郡西奉國梁置白馬

皇初郡廢魏廢郡改縣名焉有閬水義陽二郡開皇初郡梁置并置隆城大寅梁置

廢并廢義陽縣入焉儀隴郡開皇初郡廢遂寧郡後周置遂州仁壽二年統縣三戶一萬二千六

百二十二〇方義梁曰小溪置東遂寧郡西魏改縣名

業初置焉後周改郡曰石山開皇初郡廢大青石舊曰晉興西魏改名焉又長江舊曰巴興

遂寧郡置懷化郡開皇初郡廢焉又置懷化郡西魏改名

涪陵郡西魏置合州開統縣三戶九千九百二十一〇

石鏡舊曰墊江置宕渠郡西魏改郡為墊江縣漢初梁

新興郡西魏改郡曰清居
名縣曰漢初開皇初郡廢
赤水

開皇八年置

巴郡

梁置楚州開皇初改曰渝州

統縣三戶一萬四千四百二十三

○巴

舊置巴郡後周廢枳墊江二縣入焉開皇初郡廢大業初置巴郡

江津

舊曰江州縣西魏改

爲江陽置七門郡開皇初郡廢十八年縣改名焉

涪陵

舊曰漢平置涪陵郡開皇初郡廢十三年縣改

焉名

巴東郡

梁置信州後周置總管府大業元年府廢

統縣十四戶二萬一千三

百七十○人復

舊置巴東郡縣曰魚復西魏改曰人復開皇初郡廢大業初置巴東郡有鹽井

白鹽

雲安

舊曰胸臆後周改焉

南浦

後周置安鄉郡後改縣曰安鄉改郡曰萬川開皇初郡廢

十八年縣改名焉 **梁山** 西魏置有高梁山有紆溪 **大昌** 後周置永昌郡尋廢

巫山 舊置建平郡開皇初郡廢有巫山 **秭歸** 後周曰長寧置秭歸郡開皇初郡廢改縣曰秭歸

巴東 舊曰歸鄉梁置信陵郡後周郡廢縣改曰樂鄉開皇末又改名焉有巫峽 **新浦** 後周置

開皇初郡廢 **盛山** 梁曰漢豐西魏改爲 **臨江** 梁置臨江郡後永寧開皇末曰盛山周置臨江州開皇

初郡廢大業初州廢 **武寧** 後周置南州南都郡源陽縣有平都山有彭溪 後改郡曰懷德縣曰武寧開

皇初州郡 **石城** 開皇初置庸州 **務川** 開皇並廢入焉 大業初州廢 末置

蜀郡 舊置益州開皇初廢後周置總管府開皇三年置西南道行臺省三年復置總管府大業元年府廢

統縣十三戶十萬五千五百八十六〇成都 舊置蜀郡又有新都

縣梁置始康郡西魏廢始康郡開皇初廢蜀郡并廢新繁入焉十八年改新都曰興樂大業初置蜀郡省興樂

入焉舊置懷寧晉熙宋興宋寧雙流舊曰廣都置寧蜀四郡至後周並廢有武擔山郡後周郡廢仁壽

元年改縣曰雙新津後周置并置犍為郡開皇初郡流有女伎山廢大業初又廢犍道縣入焉晉

原舊曰江原及置江原郡清城舊置齊基郡後周廢為後周廢郡縣改名焉清城縣有鳴鵠山清城

山九隴舊曰晉壽梁置東益州後周州廢置九隴郡并改縣曰九隴仁壽初置濛州開皇初郡廢并隴

泉興固青陽三縣入焉大縣竹舊置晉熙郡及長楊南業初州廢有大山道場山武都二縣後周併二縣

為晉熙後又廢晉熙入陽泉開皇初郡廢十八年改為孝水大業二年改曰縣竹有冶官有縣水有鹿堂山

郫西魏分置溫江縣開皇初省入仁壽初復置萬春縣大業初又廢入焉有金山平樂山天彭門玄武

欽定四庫全書 隋書 二十三

舊曰伍城後周置玄武郡開皇初郡廢改縣名
焉仁壽初置凱州大業初廢有三堆山鄣江
維舊曰

又置廣漢郡開皇初郡廢十八年改曰縣竹大業初改
名雒焉又有西遂寧郡南陰平郡後周廢西遂寧改爲

懷中南陰平郡曰陽安舊曰牛鞞西魏改名焉并置武
南陰平縣尋並廢康郡開皇初郡廢仁壽初置簡

州大業初州平泉西魏置曰婆閏開
廢有鹽井皇十八年改名焉金泉西魏置縣及

廢郡并廢白牟縣入焉有
昌利山銅官山石城山

臨邛郡舊置統縣九戶二萬三千三百四十八○嚴道

西魏置曰始陽縣置蒙山郡開皇初郡廢十三年改曰
蒙山尋置雅州大業置臨邛郡縣改名焉有邛來山

名山舊曰蒙山開皇十三年改始廬山仁壽依政西魏
陽曰蒙山改蒙山曰名山末置置及

置卬州大業初廢臨卬舊置臨卬郡開皇初廢有火井捕江西魏置曰廣定及

郡廢仁壽初縣改名焉捕溪西魏置沈黎後周置黎州尋并縣廢開皇中置縣仁壽末置登州

大業初漢源大業初置

眉山郡西魏曰眉州後周曰青州後又統縣八戶二萬

三千七百九十九○龍遊後周置曰峨眉及置平羌郡開皇初郡廢九年改縣為青

衣平陳日龍見水隨軍而進十年改名焉大業初置眉山郡平羌後周置仍置平羌郡開皇初郡廢

夾江開皇三年置峨眉開皇十三年置通義舊置齊通郡及

曰眉州開皇初郡廢改齊通曰廣通青神後周置并置仁壽元年改為通義大業初州廢

欽定四庫全書 隋書 二十三

初郡廢

丹稜

後周置曰齊樂開皇中改名焉

洪雅

開皇十三年置

隆山郡

西魏置陵州

統縣五戶一萬一千四十二〇仁壽

梁置

懷仁郡西魏改縣曰普寧開皇初郡廢十八年縣改名

焉又西魏置捕縣大業初置隆山郡捕縣併入焉有鹽

井貴平西魏置又立和仁郡後周又廢可壘平井二

井

研始建

開皇十一年置有鐵山

隆山

舊曰犍爲置江州西魏改縣曰隆山後周省州置隆

山郡開皇初郡廢又併江陽縣入焉有治官有鼎鼻山

資陽郡

西魏置資州

統縣九戶二萬五千七百二十五〇盤

石

後周置縣及資中郡開皇初郡廢大業初置資陽郡

內江

後周置

威遠

開皇初置

大牢

開皇十三年置**安岳**後周置并置普
州大業初州廢**普慈**後周置郡曰普慈縣
曰多業開皇初郡廢

十三年縣改名焉**安居**後周置曰柔剛及置安居郡開
皇初郡廢十三年縣改名焉**隆康**後周

置曰永康開皇十八年改焉**資陽**後周置

瀘川郡梁置瀘州仁壽中置總管府大業初府廢**統縣**五戶一千八百二〇

瀘川舊曰江陽并置江陽郡開皇初郡廢大業初置瀘川郡縣改名焉**富世**後周置及置洛源郡

開皇初郡廢**江安**舊曰漢安開皇十八年改名焉**合江**後周置**緜水**梁置有緜溪

犍爲郡梁置**統縣**四戶四千八百五十九〇**棘道**後周置曰

外江大業初改曰**犍爲**後周置曰武陽**南溪**梁置曰南廣及置六

同郡開皇初郡廢
仁壽初縣改名焉
開邊開皇六年置七年廢訓州入焉大業初廢恭州協州入焉

越後周置嚴州開皇六年改曰西寧州十八年又改曰舊州
統縣六戶七千四

百四十八○越帶舊郡
邛都蘇祇舊置亮善郡開皇初郡廢有孫水可

泉舊宣化郡臺登舊置曰沙郡邛部舊置邛部郡又有開皇初郡廢平樂郡開皇初並

廢有
舊山

牂牁郡開皇初統縣二○牂牁帶賓化

黔安郡後周置黔州不帶郡統縣二戶一千四百六十○彭水開皇

十三年置有伏
牛山出鹽井
涪川開皇五年置

梁州於天官上應參之宿周時梁州以併雍部及漢又析置益州在禹貢自漢川以下諸郡皆其封域漢中之人質朴無文不甚趨利性嗜口腹多事田漁雖蓬室柴門食必兼肉好祀鬼神尤多忌諱家人有死輒離其故宅崇重道教猶有張魯之風焉每至五月十五日必以酒食相饋賓旅聚會有甚於三元傍南山雜有獠戶富室者頗參夏人爲婚衣服居處言語殆與華不別西城房陵清化通川宕渠地皆連接風俗頗同漢陽臨洮宕

昌武都同昌河池順政義城平武汶山皆連雜氏羌人
尤勁悍性多質直皆務於農事工習獵射於書計非其
長矣蜀郡臨邛眉山隆山資陽瀘川巴東遂寧巴西新
城金山普安犍爲越嶲牂柯黔安得蜀之舊域其地四
塞山川重阻水陸所湊貨殖所萃蓋一都之會也昔劉
備資之以成三分之業自金行喪亂四海沸騰李氏據
之於前譙氏依之於後當梁氏將亡武陵憑險而取敗
後周之末王謙負固而速禍故孟門不祀古人所以誠

焉其風俗大抵與漢中不別其人敏慧輕急貌多叢陋
頗慕文學時有斐然多溺於逸樂少從宦之士或至者
年白首不離鄉邑人多工巧綾錦雕鏤之妙殆侔於上
國貧家不務儲蓄富室專於趨利其處家室則女勤作
業而士多自閑聚會宴飲尤足意錢之戲小人薄於情
禮父子率多異居其邊野富人多規固山澤以財物雄
使夷獠故輕爲姦藏權傾州縣此亦其舊俗乎又有獯
狁蠻賓其居處風俗衣冠飲食頗同於獠而亦與蜀人

相類

隋書卷二十九

隋書卷二十九考證

地理志上南由注西魏改爲鎮後周復置縣○監本鎮
字闕復置訛改爲從宋本補改

水池注後魏曰覃州○宋本作蕈川當是

新津注大業初又廢棘道縣入焉○監本棘訛棘臣宗

萬

按禮記王制屏之遠方西曰棘說文捷爲蠻夷從
人在棘中作棘或作𦵑今作棘從人不從火也下同

隋書卷二十九考證

謹案卷二十八第九頁後八行員又各有直閣四
人按毛本員下有外字刊本疑脫

第二十頁後一行別將通典作翊衛

後五行注典農京市按通典京市作常平

第二十一頁前三行注掌治攷通典作掌治

前七行親王府長史行參軍刊本史訛兼據南監
本改

第二十二頁前二行太子左右內率府鎭曹行參

軍按通典鎧作諸

前五行上署令監本毛本並同通典作上署丞

第二十四頁後四行諸州州都主簿按通典都作

郡

後八行州牧監丞各本俱同通典州作池

第三十三頁前四行徵事郎注正八品刊本正訛

從據監本改

卷二十九第六頁後四行置北地郡下刊本衍地

字據毛本刪

第七頁前五行大業初刊本大訛上據監本改

第十三頁前八行有定軍山刊本軍訛寧據監本

改

第十四頁前二行西魏置滄陽郡刊本滄訛涓據

監本改

第十六頁前八行和政刊本和訛利據監本改

第十七頁前二行并立武陽郡及茄蘆縣刊本立

訛入據監本改

第十八頁後六行梁改為北部都尉刊本北訛化

據監本改

第二十二頁後八行改蒙山曰名山刊本改訛開


據監本改

第二十三頁前一行有火井刊本并訛并據監本

改

第二十四頁後六行統縣二刊本二訛三據監本

改



覆校官助教 臣 吳省蘭

校對官檢討 臣 王坦修

謄錄監生 臣 潘承燁